

UKWATI WA MWANAMBERERE



Yewo, M'bale Edmonds. Fumu yikutumbike iwe.

Monire, wabwezi. Uwu ndi mwaŵi kamozaso usiku uwu kuŵa kuno mu Fellowship Tabernacle. Para ine nanguti najumpha kufupi, kumuhanya uku, ndipo nangulaŵiska apo uyu wakaŵa, ndipo nanguwona lizgu lakuti “Wenenawene,” ilo languniwonekera lakwenerera waka ine. Ine nkhuchitemwa icho, M'bale Edmonds. Wenenawene, icho ndicho ise tikugomezga.

² Mubwezi wane wakale, uyo waruta waka kukaya kukakhala na Fumu, wānandi ŵa imwe panyake mukamumanyanga iyo, Dr. F. F. Bosworth, wānandi ŵa imwe. Iyo wakaŵa kuno mu Phoenix, ine nkhubomezga, na ine nyengo yimoza, munthu wachikanga chomene. Ndipo iyo wakaŵa...wakaŵa—a... Iyo wakaŵa mwanarumi mulara mutuŵa, kweni wakaŵa wa milangwe. Ndipo iyo wakayowoya kwa ine, nyengo yimoza, iyo wakati... Ine nkharutirira kuyowoyanga za wenenawene. Ndipo iyo wakati, “M'bale Branham, iwe ukumanya kasi wenenawene ndi vichi?”

Ine nkhati, “Enya, ine nkhubhanaghana nthaura, M'bale Bosworth.”

³ Iyo wakati, “Ndi wānthu ŵawiri mu sitima yimoza.” Nthaura, ndipo uwo pafupifupi mbunenesko, kugawānanga chipinda yumoza na munyake.

⁴ Ndipo ine nanguwona wānandi ŵa imwe mukukwezga muchanya mawoko ghinu, za kuti mukamumanyanga M'bale Bosworth. Pakuŵa kuti—kuti imwe mukamumanya iyo, ine nkhubhumba kuti ndiyowoyepo waka lizgu za nyengo yake yaumaliro pano pa charu chapasi. Ine nkhamumanya iyo kwa nyengo yitaliko. Ndipo iyo wakaŵa kuwaro kuno kupharazganga Ivangeli na kuromberanga wārware, pambere ine nkhaŵa nindababike. Nthaura imwe mungamanya kuwona msinkhu uwo iyo wakaŵa. Fumu yikamuzomerezga iyo kukhala wamoyo, ine nkhubhanaghana, pafupifupi virimika eyite-fayivi, chinyake ngati icho, ndipo kweni mwanarumi mulara ndipo wachikanga para iyo wakafwanga.

⁵ Para iyo wakaŵa sevente-fayivi, ine nkhubomezga wakaŵa, iyo na ine tikaŵa ku... Ine nkhubomezga, Edgemont Hotel mu Miami. Ndipo ise tikaŵa na chithu—chakurya chithu chakugonera, ndipo tikaruta mumphepete mwa nyanja uko majigha ghakizanga, kuti tiwone mwezi ukufuma. Ndipo ine nkhaŵa apa, pafupifupi virimika fote vyakubabika, mapewa ghane ghakabwanthuka, kwendanga ngati nthaura. Ndipo iyo, pafupifupi sevente-fayivi, wakunyoroka waka umo iyo

wakamanya kuwira. Ndipo ine nkhamulaŵiska iyo, ndipo ine nkhamurumba iyo. Ndipo ine nkhati, “M’bale Bosworth, ine nkhekumba kuti ndikufumbe fumbo.”

Iyo wakati, “Fumba, M’bale Branham.”

Ndipo ine nkhati, “Mphauli apo iwe ukaŵa pa uweme chomene?”

⁶ Iyo wakati, “Sono nthena.” Enya, ntheura, ine soni zikunikora ndamwene. Ndipo iyo wakati, “Iwe waruwa kuti ine ndine waka mwanichi, nkhekhalala mu nyumba yakale,” iyo wakayowoya. Ndipo yura wakaŵa M’bale Bosworth.

⁷ Para ine nkhati napulika kuti iyo waruta kukakumana na Fumu, ine pafupufupi nkhwotcha matayara gha galimoto yane, kurutanga ku Miami, kuti nkhamuwone iyo. Ndipo para muwoli na ine tikati tafika kula. . . Ndipo banja la Bosworth na banja lithu tikaŵa paubwezi ukuru. Ndipo ise tikanjira. Sekuru mulara chigonere pa mpando uchoko. Ndipo iyo wakauka, mutu wake uchoko wa chipala, pachoko, mawoko ghakughanda wakaghanyoroskera kwa ine, ngati *ntheura*. Masozi kukhiranga mu matama ghane. Ine nkhamukora iyo mu mawoko ghane, ndipo ine nkhalira, “Adada ŵane, adada ŵane, magareta gha Israel na ŵakukwerapo ŵake!” Chifukwa, usange wakaŵako mwanarumi mulara uyo wakapereka ntchindi mu chakuchitika cha Pentekosite, wakaŵa M’bale Bosworth. Iyo nadi wakaŵa. Iyo wakaŵa luŵa likuru.

⁸ Ndipo imwe mukumanya, chinthu chakudankha iyo wakukhumba kuchita, ndi kundiphalira ine nthabwara pachoko, ngati ntheura, imwe mukumanya.

Ndipo ine nkhati, “M’bale Bosworth, kasi iwe uŵenge makora?”

⁹ Iyo wakati, “Yayi, M’bale Branham. Ine narwara yayi, kuyamba na kuyamba.” Iyo wakati, “Ine nkburuta waka Kukaya.”

Ine nkhati, “Enya, icho ntchiweme chomene.”

¹⁰ Ise tikaŵa kuti tafika waka kufuma ku malo ghakukatamikira mu Africa, iyo na ine. Iyo wakati, “Ine nachekura waka chomene kukhala wamoyo.” Iyo wakati, “Ine nkburuta Kukaya.”

Ine nkhati, “M’bale Bosworth, kasi iwe undiphalirenge kuti ine ndichite vichi?”

¹¹ Ndipo iyo wakati, “Khala na Ivangeli.” Ndipo iyo wakati, “Ruta ku malo ghakukatamikira mwaluŵiro umo iwe ungachitira.” Wakati, “Uko ndiko kuŵenge kulangiza kwane.”

¹² Ndipo ine nkhati, “M’bale Bosworth, chinthu chimoza chakusazgirapo ine nkhekumba kuti ndikufumbe iwe.”

Iyo wakati, “Kasi ntchivichi icho, M’bale Branham?”

¹³ Ine nkhati, “Sono, iwe uli kuwika pafupifupi virimika sikisite kwa Fumu, mu kumutumikira, panyake kujumphirapo.” Ndipo ine nkhati, “Mphauli apo yikaŵa nyengo yako yakukondwa chomene mu umoyo?”

Iyo wakati, “Sono nthena.”

Ndipo ine nkhati, “M’bale Bosworth, iwe ukumanya kuti ukufwa?”

¹⁴ Iyo wakati, “Ine ningafwa yayi. Ine nkhafwa virimika vinandi vyajumpha.” Ndipo ine... Iyo wakati, “M’bale Branham, vyose ivyo ine ndiri kutemwa ndipo nkhapwererera virimika sikisite vyajumpha, ine nkholindizga Iyo kuti wajure muryango ula pa nyengo yiriyose na kwiza, kuzakanditora ine.”

Ine nkughanaghana za yira, *Salimo la Umoyo*:

Maumoyo gha ŵanthu ŵakuruŵakuru wose
ghakutikumbuska ise
Ise tingamanya kupanga maumoyo ghithu
ghakuchindikika,
Na kupatukananga, kukutirekera kumanyuma
ise
Mikwevu ya marundi pa michenga ya nyengo.

Ndipo nadi iyo wakasida mikwevu, kwa ine.

¹⁵ Pambere iyo wandafwe, panji, pa... wandanjire mu Uchindami, pafupifupi ora limoza, panji kusazgirapo, pambere iyo wakaŵa wandafwe, iyo wakaŵa ngati kuti wagona kwa maora ghachoko, ndipo muwoli wake, ŵana ŵake, ŵakutemweka chiyimirire zingirizge, ndipo munthu mulara wakauka, wakalaŵiska zingirizge, wakanyamuka, ndipo wakachimbira mu baraza, ndipo wakakorana chasa na mama wake uyo wakaruta virimika vinandi, na dada wake. Ndipo kujumpha ora limoza, iyo wakakorana chasa na ŵanthu, kuyowoyanga, “Uyu ndi M’bale John. Enya, iwe ukiza kwa Khristu mu ungoro wane mu Joliet, Illinois. Apa pali M’bale...” Kukorananga chasa na ŵakuphenda ŵake awo ŵakafwa, virimika vinandi vgyajumpha.

¹⁶ Ine—ine nkhumuphalirani imwe, nyengo zinyake ine nkugomezga kuti mu ora ilo ise tikujumpha kufuma pa charu chapasi ichi kunjira mu chinyake, ine nkugomezga nyengo yinyake para... Mronga uzamkuŵa unonono kwambuka, munthowa yiriyose, imwe mukumanya. Ine nkugomezga panyake Fumu yikuyowoya ku ŵakutemweka ŵithu, “Ruta kusika ku mronga ndipo ukakumane nawo kusika kula.” Pakuti umo Jacob wakayowoyera, ise tizamuwungana pamoza na ŵanthu ŵithu dazi linyake.

¹⁷ Ine naneso nkholindizga dazi lira kuti lifikenge. Ndipo nthura para ine namarana nawo umoyo uwu kuno, panji

Chiuta wamarana nane kuno, ndipo ine nkhuwona kuti napanga chivikiliro chirichose icho ine nkhamanya kuchita, nkhaporota mu malo ghoze gha mikwakwazu, ndipo nkhakwera phiri lililose, ine nkhuukhumba kuti ndilaŵiske kumanyuma, ndiwone uko ine nkhaŵa, para ine nkhuukhilira ku mronga.

¹⁸ Ine nyengo zose ndiri kuyowoya, ngati ŵabale ŵafipa kuno, iwo ŵali na sumu yichoko iwo ŵakwimba, “Ine nkhuukhumba suzgo lililose yayi pa mronga.” Ine nkhuukhumba kuti ninozge chose ichi sono.

¹⁹ Panyake kuŵikaso waka lupanga mu chikwama, na kuvura chipewa, na kuŵika ichi pasi mumphepete mwa mronga, na kukwezga muchanya mawoko ghane, na kuchemerezga, “Tumani boti laumoyo, Ŵadada. Ine nkhwiza kukaya mlenji uwu.” Iyo wazamkuŵa kwenekula. Kudandaula yayi. Ine nkhuomezga icho. Ine nkhuomezga uko ndi kukhumba kwa mitima withu uliwose.

²⁰ Sono, ndi mwaŵi ukuru chomene kuŵa kuno usiku uwu na mliska muweme uyu na mpingo wake, na ntchito yiweme iyi, na iwo ŵeneawo ŵakukhala mwa Khristu, ku umaliro uku kwa Phoenix. Pakuti, nadi, ise ndise ŵakupanjwa. Ise ndise ŵamwendanthowa na ŵalendo kuno. Ise tikupanja Msumba.

²¹ Umo ine nayowoyanga mlenji uwu kusika ku kachisi wa M’bale Fuller, pa Mbewu Yaufumu. Sono, usange imwe muli na matepi ghakujambulira, ine nkhuzunurapo yayi. Kweni panguŵa chinyake changuchitika mlenji uwu, icho ine... Usange imwe muli na tepi yakujambulira, usange imwe mungasanga yimoza ya matepi, ine ndiri na chigomezgo kuti imwe murumbenge ichi. M’bale Maguire wali kutumizga igho, ndipo *Mbewu Yaufumu Ya Abraham*.

²² Wonani, mbewu ya Abraham wakaŵa Isaac, cheneicho ndi Chiyuda, kuthupi. Kweni Mbewu Yaufumu wakaŵa Khristu, kwizira mu phangano, ndipo kuti Khristu wakaŵa Mazgu gha Chiuta ghakuwonekera. Ndipo chiri mu mtima withu muhanyauno umo ise... “Usange Ine... Imwe khalani mwa Ine, ndipo Mazgu Ghane mwa imwe, ntheura rombani icho imwe mukukhumba, ndipo ichi chichitikenge kwa imwe.”

²³ Sono, ine nkharongosora icho, za Phoenix, nyengo zinandi kufumira apo ine ndiri kukhalira kuno... Nyengo yane yakudankha kwiza yikaŵa virimika sate-fayivi vyajumpha. Ndipo kunena pa wa 16 na Henshaw, ine nkhuukhalako, nkhuagwira ntchito pa Circle R Ranch kuwaro uku, kuwaro kwa Wickenburg. Ndipo ine nkharuta na msungwana muchoko kula pa wa 16 na Henshaw. Ine nkharuta kukapenja malo dazi linyake ndipo agha ntha nanga ndi Henshaw munthowa yiriyose. Agha sono ndi Buckeye. Ndipo ndi msumba ukuru nkhanira mu chigaŵa chikuru cha Phoenix kuno. Chirichose chiri kusintha.

24 Ndipo muwoli na ine tikaruta ku South Mountain, kuti tikalingalire za Phoenix. Ine nkhaghanaghana, pafuifupi virimika firii handiredi vyajumpha, panyake ntha kukaŵa chirichose kuno kweni ŵakambwe, minkhaka, na vinyake ntheura. Ndipo sono ndi msumba ukuru wakutowa. Sono, ine nkhati, “Ŵakutemweka, kasi uwu ngwakuphenduka panji ngwakutimbanizgika? Imwe mungamanya kugwiriska ntchito kusankha kwinu. Kwa ine, uwu ngwakutimbanizgika sono. Chifukwa, nyumba zikuru izi na vyakuzenga vyakutowa vingamanya kuŵa viweme usange ŵanarumi na ŵanakazi ŵakayendanga kukwera-na-kukhira misewu, na mawoko ghawo muchanya kwa Chiuta, kumurumbanga Chiuta, ndipo ŵabale na ŵalongosi kukhalanga umoyo uweme; m'malo mwakumwa, kutchayanga njuga, kukhweŵanga, kutetanga, kwibanga, malo ghakumwerako moŵa, chirichose icho ntchiheni. Mkatikati mu vyose ivyo, nangauli . . .”

Ntheura muwoli wakayowoya kwa ine, “Ntheura, Billy, kasi iwe wapukwa vichi kuno?”

25 Ine nkhati, “Kweni, wakutemweka, kufumira apo ise takhalira kuno, maminiti fifitini, kasi ndi mautesi ghalinga ghayowoyeka mu dambo lira? Kasi ndi virapo vilinga vyachitika, mu Zina la Fumu pawaka? Kasi ndi ndundu zilinga, kasi ndi mabotolo ghalinga gha kachasu ghamweka, kasi ndi vigoloro vilinga vyachitika, na kose kula, mu nyengo waka yichoko yajumpha, apo ise takhalira kuno?”

Iyo wakati, “Kasi icho ntchakofya yayi?”

26 Kweni ine nkhati, “Apa pali icho ise tiriri kuno, wakutemweka. Kasi ndi malurombo ghalinga ghaneneska gharuta kuchanya kufumira apo ise takhalira kuno? ‘Imwe ndimwe Kuŵara kwa charu.’ Ichu ndicho ise tiliri kuno, kuti tiŵike mapewa ghithu pamoza na mipingo yichoko iyi kuno, tichite chirichose ise tingachita, kuti tivwire uwu urute munthazi. Kuti uŵe . . .”

27 Imwe mose, imwe mwaŵatuŵa, ndimwe thumbiko kwa ine. Ine nkhuomezga kuti ine ndiŵenge thumbiko kwa imwe, mu kucezga kuno. Ndipo ine, para ine nkhati nawona kuti ine nkhuynera kuti ndirute ku mipingo yakupambanapambana na mabungwe, na—na matchalitchi ghakupambanapambana, na vinyake ntheura, ŵabale mu dambo la Phoenix kuno, mtima wane ukakondwera. Ichu chikwiza pambere undayambe ungoro ukuru uwo ine ndizamuyowoya, pa ungoro ukuru wa Christian Business Men, ine nkhuomezga ndi pa chakurya cha mlenji pa Chisulo, ndipo pamanyuma pa ungoro wa pa Sabata kumuhanya, pa Sabata yakurondezgako yira. Ndipo nyengo zose ndi mwaŵi kukumana na ŵabale ŵara. Ine nkhuomezga kuti iwo ŵali na mipando twente-fayivi handiredi mula. Ŵali na malo

ghanandi ghakukhalamo gha ise. Ndipo ise tikugomezga kuti tamukumana namwe kula.

²⁸ Ndipo pamanyuma kuti tikaŵe na nyengo iyi ya wenenawene, kuruta kufuma mpingo kuruta ku mpingo, na kuyowoya. Ine nkugomezga kuti nangupharazga mlenji uwu mpaka ine nangupharazga mazgu kusasa, pafupifupi ora na hafu. Ndipo ula wanguŵa umoza ufupi. Ine nyengo zinandi nthā nkhumalizga pambere ghandakwane maora ghatatu panji ghanayi gha uwu, pa—pa tchalitchi kwithu. Ine mbwenu. . . Ine ndine mupharazgi yayi. Ntheura ine—ine nkupanga waka chiwawa cha chimweme kwa Fumu. Ine nkhumama kuchita ichi makora chomene. Ine—ine nkhusachizga kuti ine nkuchitemwa waka ichi, ntheura ine nkhourutirira waka kuchitanga ichi. Ine nkhaŵa. . . nkhaŵa na malingaliro ghanayi panji ghankhonde ghakupambanapambana kuti ine nkhuŵasunga ŵanthu nyengo yitali chomene, ntheura ine nkhumanya uwo ndi unesko. Ndipo usiku uwu, mu unesko, ise tiŵenge kuti tafuma muno pambere wanu koloko yindakwane. Ine, ine pafupifupi ndimusimikizgireninge imwe za icho. Ine mbwenu waka, pafupifupi. . . Kapulikiro ka mzimu uweme wantheura, ndipo chirichose chiweme, ine nkugomezga kuti Mzimu Mutuŵa watitumbikenge ise.

²⁹ Sono, sono ine nthā ndiri kuŵa na mauteŵeti ghalighose gha machirisko mu maungano. Ine. . . Usiku umoza, kusika kwa m'bale. . . wa Zina la Yesu, kasi mliska wakaŵa njani? M'bale Outlaw. Mpingo wa M'bale Outlaw, kukaŵa ŵanandi chomene kula awo ŵakakhumbanga kuti ŵarombereke. Ndipo ine nkhatuma mwana wane kuti wapereke makadi gha pemphero. Ndipo ntheura mausiku ghangapo, Mzimu Mutuŵa ukizanga chomene mu nyumba, mpaka. . . Imwe mose mukumanya. Imwe muli kuŵamo mu maungano ghane. Imwe mose muli kuŵamo. Imwe mukuwona umo kukuŵira kusanda, na vinyake ntheura. Kweni sono ine nkhuwona uku kukuwunganiska ŵanandi kuti ŵarombereke. Ndipo ine nkhuwona kuti wakudankha, kuchita kuyamba pa Chitatu na Chinayi. Ine nkhatate panyake nilindizenge mpaka kujumpha pa Sabata, chifukwa usange iwe uli na visopo vya machirisko mu tchalitchi. . .

³⁰ Imwe wonani, ine—ine nkhalengeza kulikose ine nkharuta kufumba munthu waliyose kuti mukhale pa malo ghinu gha ntchito pa Sabata, imwe wonani. Maungano ghapadera agha ndi kuchezerananga waka na ŵabale. Ndipo ise—ise tikukhumba kuti waliyose wasunge malo ghake gha ntchito, chifukwa mliska winu wakulindizga imwe, ndipo kula ndiko imwe mukwenera kuŵa.

³¹ Ntheura pamanyuma—ntheura ine nkughanaghana, namachero usiku, usange Fumu yazomerezga, ine nthā. . . Kasi ise tiŵenge nkhu namachero usiku? [M'bale wakuti, “Kula mu Tempe, ku mpingo wa M'bale O'Donnell.”—Munozgi]

M'bale O'Donnell, ku Tempe, Arizona. Sono, usange imwe mulije uliwose—chinthu chapadera chirichose kuchitikanga pa tchalitchi linu, ndipo imwe muli na wanthu warwari, chifukwa, ine ndiromberenge warwari, namachero usiku, kuwa waka na mzere wapemphero wanyengo zose, kurombera warwari, panyake—panyake pa Mandé, pa Chiwiri. Tiyeni tiwone, ine nkhuwenera... Ine ndine... O, ine ndiri... Kasi ine ndiri na mpingo pa Chitatu usiku naposo? ["Enya."] Pa Chitatu usiku. Ntheura ichi...

³² Ndipo uwu ukuyamba pa Chinayi, ndi unenesko uwo, unguano ukuru? [M'bale wakuti, "Ine nkhuwa ngati ndiri na vinthu...?..."—Munozgi] Viri makora, m'bale. Iyo wakulengezege sono. ["Wonani, ise tiri muno usiku uwu. Ndipo machero usiku ise tiwenge ku Tempe Assembly of God. Ndipo pamanyuma ku Mountain View mu Sunnyslope pa twente-firii. Ndipo pamanyuma ku Central Assembly pa twente-foru."] Viri makora, icho ntchiweme. ["Ine ningakumbukira yayi, ndamwene. Ine nkhuwa ngati natimbanizgika na ichi."] Reka kughanaghana za icho.

Ine nkhayowoyanga dazi linyake, za, "Ningakumbukira yayi."

³³ Ndipo M'bale Jack Moore wakayowoya kwa ine, wakati, "Iwe ukughanaghana kuti ndiwe muheni?" iyo wakayowoya.

³⁴ Ine nkhati, "M'bale Jack, ine nkhruta namuyamba kuyowoya, ine ningakumbuka yayi icho ine nayowoyanga."

³⁵ Iyo wakati, "Reka kughanaghana kuti icho ntchiheni." Wakati, "Ine nkhumuyowoyiska pa foni, kumuyimbira munyake, nkhati, 'Kasi iwe ukukumba vichi?'" Enya, icho chikufika pa uheni chomene!...?...O!

³⁶ Ntheura, mwe, icho panyake chingawoneka ntabwara, cheneicho ine nkughanaghana kuti ntchiweme yayi kuyowoya pa gome apa. Kweni wana wa Chiuta ndi wana waka wakukondwa, munthowa yiriyose, imwe mukumanya, ntheura ise—ise tikutemwa kuwa. Ine nangughanaghana kuti icho changuwa chiweme chomene.

³⁷ Imwe mose, wanandi wa imwe, mukumumanya M'bale Jack Moore. Iyo wakufumira ku Shreveport, Louisiana, Life Tabernacle, m'bale muweme chomene. Ndipo ntheura iyo wakandiphalaranga icho ine. Iyo ndi kontirakitara, nayoso.

³⁸ Iyo wakati, "Reka kughanaghana kuti icho ntchiheni, M'bale Branham." Wakati, "Ine nkhayimbira munyake dazi linyake, ndipo nkhayimba nambala yawo." Ndipo nkhati, "Iwo wakazgora, wakati, 'Hello.' Ine nkhati, 'Enya, kasi imwe mukukumba vichi?'"

Ine nkughanaghana, "Enya, icho ntchakukhumudwiska chomene, M'bale Jack."

³⁹ Ntheura sono, ine nkughanaghana kuti ichi chiwenge chiweme, ndipo wabwezi aŵa awo wakukhumba kuti wârombereke, ndipo wîza na wânthu wâwo wârware, pamanyuma ise tiwârumberenge iwo.

⁴⁰ Sono, usiku uwu, ine naghanaghana pa icho ine ndiyowoyenge usiku uwu kunena uku mu tchalitchi lichoko lakutowa ili. Ine nangughanaghana, “Enya, ine nkhumanya yayi kasi.” Ine nkhwenera kuti nitore waka mutu uchoko, na kugomezga kuti Fumu yisazgenge mazgu kumalo kunyake, na kuzomerezga agha ghawe uko agha ghavwiringe munyake. Kuŵa... Ine nthâ nkhuvezga kutora mutu, ine nyengo zose nkhuvezga kuwona kurongozgeka, na kulemba mulu wa Malemba, na vinyake ntheura. Ndipo—ndipo ntheura, usange Fumu yanirongozga mwakulekana, ntheura ine nkhiruta waka umo Iyo wakundirongozgera. Ndipo ine nkughanaghana kuti umo ndimo tose tikwenera kuti tichitirenge. Mukukuchita yayi yayi? Chitani mwantheura umo.

⁴¹ Ndipo sono kuli chinthu chimoza icho—icho ine—ine nkukhumba, waliyose wa mpingo walengeze ichi kwa waliyose. Ndipo icho ndi, kuti usange... Para imwe mwamalizga kurombera mliska winu na wakutemweka wînu, kundirurwa yayi ine, chifukwa ine nkhumanya, dazi lililose, kuruska kale, kuti ise tikukhira kurazga ku umaliro wa msewu.

⁴² Ndipo ine nkhaŵika waka mu dindi amama wane, masabata ghachoko ghajumphâ. Ndipo nkhaŵakhozga iwo mu mawoko ghane mpaka Chiuta wakatore mvuchi wawo na uzima wawo kuruta Kuchanya. Ine nkhaŵikwona kufwa kwa mwanakazi yura wakuzura na Mzimu Mutuŵa, ndipo nkhamuwona iyo wakwiza nkhanira ku umaliro wa msewu. Ine nkughanaghana, “O, ine—ine nkhuwenera kuti ndiwenge waka na mama waliyose ngati ntheura. Ine nkhuwenera kuti ndichite waka chinyake kuti nditore... kuchita icho ningafiska, kuti ndiwapange wânthu kuti wawone icho ichi chikung’anamura nadi.”

⁴³ Ndipo, wabwezi, ine ndine wakukakamizgika kuti panyake ichi chiwenge chakuzama pachoko. Ndipo ine nkughanaghana kuti tikuchitora ichi mwakupepuka pachoko chomene kuruska umo nadi ichi chiliri. Ine nkughanaghana kuti ise kuti tikwenera kukumbukira. Usange Chiuta ndi mutuŵa chomene kufikira kuti Wangelo wakuwoneka wakubinkha mu maso Ghake, kasi ise tikuwoneka uli? Mukuwona? Uwo mbunenesko. Ntheura ise tikukhumba kuti tikumbukire. Ndipo kumbukirani, Chiuta wakukhala nkhanira kula mu Umuyaya, uko kukuwara kuruska nyenyezi zose mu vya mu mlengalenga. “Mutuŵa, mutuŵa, mutuŵa,” Wangelo na mapapindo kubenekerera visko vyawo, na kubenekerera marundi ghawo, kuwurukanga mu Kuŵapo Kwake, kuchemerezganga, “Mutuŵa.” Kasi ise tichite vichi? Ntheura ise... Icho ndicho ise tikuyezga kuchita.

44 Ndipo—ndipo ine nkhuwona ngati kuti uwu, Ufumu wa Chiuta, uli ngati munthu uyo wakatora mkwawo ndipo wakaruta ku nyanja, Yesu wakati, ndipo iyo wakaponya. Ndipo para iyo wakati waguza, iyo wakakora mitundu yinandi. Kweni somba ziweme, nkhumanya, wakasunga; ndipo somba zinyake izo zikurya vyakuvunda zikawerera ku maji, ngati nkharu, na—na njoka, mitondoli, na wafulu, na vinyake nthura. Kweni mikwawo ya Ivangeli yikukora vyose vya ichi. Ndipo ise...Lizamkuwako dazi linyake yizamkuwa nyengo apo ise tizamkuponya mkwawo withu waumaliro, M'bale Adams. Uwo mbunenesko. Ndimwe yayi panji ine kuti tiyowoye kuti iyi ndi somba ndipo iyo ndiyo yayi. Ise tikumanya yayi. Ise tikuponya waka mkwawo na kuguza uwu. Mbweni kwamara. Chiuta wakuwamanya Wake yekha. "Iwo weneawo Iyo wakuwamanyirathu, Iyo wakuwachema; ndipo iwo weneawo Iyo wakuwachema, Iyo wali kuwarunjiska; ndipo iwo weneawo Iyo wali kuwarunjiska, Iyo wali kuwatuwiska." Nthura ise tikulindizga, kuponyanga waka mkwawo. Ndipo ndi mwaŵi wane usiku uwu kuyimirira mu tchalitchi la M'bale Edmonds muno kuti ndivwire kuponya mkwawo pa malo agha, kuti ndiwone usange muli somba zinyake izo Chiuta wali nazo za ku Ufumu Wake.

45 Sono, pambere ise tindaŵazge Mazgu, tiyeni tiyowoye kwa Chata wa Mazgu pachoko waka apo ise tikusindamiska mitu yithu.

46 Na mitu yithu yakusindama, mu kupatulika kwa nyengo iyi, kuti ise tikusenderera ku Mazgu gha Chiuta wamoyo, uyo ndi Chiuta, ine nkhumanya yayi usange mungaŵa wanthu wanyake muno awo ŵali na vyakupempha pa mitima yawo, kuti iwo wakukhumba kuti wakumbukirike mu lurombo ili. Pangani ichi chimanyikwe kwizira mu woko lakukwezgeka.

Fumu Yesu, laŵiskani ku gulu, kumanyanga mtima uliwose.

Namuwongani imwe.

47 Wauchizi chomene ndipo Chiuta mutuŵa, Mwenekhongono, El Shaddai, uyo wakawoneka kwa Abraham mu Zina la "Mwenekhongono, Chiuta-wamabere, Wakupereka nkhangono, Wakuryeska wakufoka," zanninge kwa ise usiku uwu, Wadada. Ndipo ise tikumanya kufoka kwithu na kunangiska kwithu. Ise tikuvumbura zakwananga zithu panthazi Pinu, ndipo tikuwika izi pa guwa Linu la moto la cheruzgo, ndipo tikuromba kuti Ndopa za Yesu Khristu zifumishepo izi, mu sembe iyo ise tikupanga. Perekani ichi, O Chiuta.

48 Ise tikupereka maumoyo ghithu na vyose ivyo tiri navyo, na luso lichoko ilo lapika kwa ise. Fumu, gwiriskani ntchito ili ku uchindami wa Chiuta.

49 Tumbikani mpingo uwu, mliska wake wakutemweka, madikoni, mathrastii, na gulu lose la walarawalara wose, na

membara waliyose uyo wakwiza mu mpingo uwu wakuchemeka “Fellowship.” Chiuta, ine nkhuromba kuti wānarumi na wānakazi, apo iwo wākunjira pa muryango ula wa malo agha, kuti iwo wāwenge pasi pa kukhuzika chifukwa cha dongosolo liweme la Mzimu Mutuwa mkati mu nyumba. Perekani ichi, Fumu.

⁵⁰ Mutigowokere zakwananga zithu, na majuvyo githu, ise tikuromba kamozaso. Kumbukirani iwo weneawo wakwezga mawoko ghawo. Kusi kwa woko lira, Fumu, kwanguwa mtima kupemphanga chinyake kwa Imwe, ndipo panyake Ndimwe pera mungamanya kupereka ichi. Ine nkhuromba kuti Imwe muperekenge ichi, Wadada. Chirichose iwo wakukhumba, perekani ichi kwa iwo mu uzari. Usange panga wa wānji wārware, Fumu, wachizgeni iwo. Usange panga wa munyake uyo wakuwa munthowa, mukhozgeni yura, khongono lakufoka lira. “Thete lakuvurazika, Iyo waphyorenge yayi ili, panji chisunda cha nyali Iyo wazimwenge yayi.” Ndipo ise tikumanya kuti Iyo walitayenge yayi thete lakuvurazika; Iyo walinozgenge ili. Ndipo ine nkhuromba, Wadada Wakuchanya, usange muli mizimu yinyake iyo njakusweka, panji—panji yakukhumbudwiskika, panji mawoko ghakufoka ghakhizgika pasi, na makongono ghakufoka, nkhuromba igho ghakwezgeke muchanya usiku uwu, Fumu. Nkhuromba Mzimu Mutuwa wafike na kuchizga mitima yithu na mizimu, na maumoyo githu ghakuthupi, ndipo ise timupenge Iyo marumbo ghose chifukwa cha ichi. Ise tikuromba ichi mu Zina la Yesu. Amen.

⁵¹ Usange imwe mungakhumba kuti mujure ku Malemba, kwa pafupifupi waka kuyowoyapo waka maminiti sate, ine nikhumbenge kuti imwe muwazge pamoza nane kufuma mu buku la Chivumbuzi, chipatulo 19. Ndipo ine nkhuromba kuti ndiwazge kufika vesi 7, ghose.

Ndipo pamanyuma pa vinthu ivi ine nkhapulika lizgu likuru la wanthu wanandi kuchanya, kuti, Aleluya; Chiponosko, . . . uchindami, na ntchindi, na nkhangono, kwa Yehova Chiuta withu:

Pakuti ghaneneska na gharunji ndi maweruzgo ghake: pakuti iyo wayeruzga muzaghali mukuru, uyo wakananga charu chapasi na mauzaghali ghake, ndipo wavezgera nduzga ndopa za wateweti wake pa woko lake.

Ndipo kweniso iwo wakati, Aleluya. Ndipo josi lake likasunkha muyirayira na muyirayira.

Ndipo walara foru na twente na vikoko vinayi vikawa pasi ndipo vikamusopa Chiuta uyo wakakhala pa chizumbe, kuyowoyanga, Amen; Aleluya.

Ndipo lizgu likiza kufuma mu chizumbe, likuti, Warumbike Chiuta withu, mose imwe wateweti wake,

na imwe mwaŵeneimwe mukumopa iyo, mose ŵachoko na ŵalara.

Ndipo ine nkhapulika ngati kuti likaŵa lizgu la mzinda ukuru, ndipo ngati lizgu la maji ghanandi, ndipo ngati mazgu gha kududumirira kukuru, kuti, Aleluya: pakuti Yehova Chiuta wankhongono zose wakuwusa.

Tiyeni tikondwere ndipo tisekerere, ndipo tipereke ntchindi kwa iyo: pakuti ukwati wa mwanamberere wafika, ndipo muwoli wake wajinozgekereska iyomwene.

⁵² Nkhukhumba kuti ndiyowoye usiku uwu pa chisambizgo chakuti: *Ukwati Wa Mwanamberere*, pa nyengo zichoko waka kuti...Ise tikulimanya chomene Lemba ili. Kwambura nkhaiyiko kuti mliska winu kuno wali kupharazgapo chisambizgo ichi nyengo zinandi.

⁵³ Ndipo, kuti, ise tikumanya kuti kuzamkuŵa Mkwatibwi, ndipo kuzamkuŵa mugonero wa ukwati uzamuperekeka mu mitambo. Icho ndi chakusimikizgika waka umo chingaŵira, umo Chiuta waliriko, chifukwa ndi Mazgu Ghake. Ndipo tikumanya kuti iwo ŵeneawo ŵazamkupanga Mkwatibwi yura ŵazamkuŵa Mpingo Wake, ndipo iwo ŵazamuwonekera panthazi pa Iyo kwambura banga panji khwinya. Ndipo iwo ŵali na chakunwara pa charu chapasi sono kuti ŵajipange iwoŵene ŵakunozgeka. Usange imwe mwanguwona, Ili likati, “Iyo wajinozgekereska iyomwene.”

⁵⁴ Ŵanandi chomene ŵakuti, “Usange Fumu yingafumiskamo mzimu uheni uwu mwa ine, wa kumwa, panji wa kutchayanga njuga, panji wa maboza, panji wakwiba, ine ndimutumikirenge Iyo.”

⁵⁵ Kweni icho chiri kwa imwe. Wonani, imwe mukwenera kuti muchitepo chinyake, namweso. “Iwo ŵeneawo ŵakutonda ŵazamuhara vintu vyose.” Iwo ŵeneawo ŵakutonda. Imwe muli nazo nkhangono kuchita ichi, kweni imwe mukwenera kuŵa ŵakunozgeka kuŵika ichi pasi. Mukuwona? “Iyo wajinozgekereska Iyomwene.” Ine nkhuhatemwa Mazgu agho.

⁵⁶ Imwe wonani, Chiuta wangatinjizga yayi ise mu kapayipi kachoko, kutiguzira kuwaro ku umaliro unyake, ndipo pamanyuma kuyowoyanga, “Wakutumbikika ndi iyo uyo wakutonda.” Imwe mukaŵavye chakuti mutonde; Iyo wakamujumphiskani waka imwe. Kweni imwe mukwenera kuti mupange vigamuro vya mwaŵene. Ine nkhuwenera kuti ndipange vigamuro vya ndamwene. Mu kuchita icho, ise tikuwoneska chipulikano chithu na ntchindi kwa Chiuta.

⁵⁷ Abraham wakalayizgika mwana, kweni iyo wakwenera kuti wasungilire phangano ili virimika twente-fayivi, mwakukwera-na-mwakukhira uko iyo wakaŵa nako, na viyezgo, mu virimika

vira twente-fayivi. Kweni iyo wakakoreska ku mazgu gha phangano.

⁵⁸ Ndipo Israel wakalayizgika charu chaphangano, kweni iwo wākayenera kuti wārwire mtunda uliwose wa ichi. “Palipose apo vikandiro vya marundi ghinu ghadyaka, cheneicho Ine ndamupani imwe,” Chiuta wakayowoya kwa Joshua. Chose chikaŵako kula. Charu chikaŵako kula, ndipo Chiuta wakapereka ichi kwa iwo, kweni iwo wākwenera kuti wārwire ichi.

⁵⁹ Chimozimozi ndimo kuliri na machirisko Ghauzimu. Chiuta wali nazo nkhangono kumuchizgani imwe, usange imwe muli nacho chikanga kuti muzomere ichi, kweni imwe murwiringe mtunda uliwose wa nthowa.

⁶⁰ Chiuta wali nawo uchizi wakuziziswa kuti wamuponoskeni imwe, ndipo Iyo wachitenge ichi, kweni imwe murwiringe mtunda uliwose wa nthowa yinu.

⁶¹ Ine ndiri kuŵa kuseri kwa gome, kurutiriranga virimika sate-wanu, ndipo mtunda uliwose wa icho uli kuŵa kurwira, rutaruta. Uwu nadi uli kuŵa.

⁶² “Kweni ise tikwenera kuti tirwe usange ise tikwenera kuti tiwuse.” Ntheura ise tikusanga kuti Mkwatibwi wakwenera kuti wajipange Iyomwene wakunozgeka. “Tiŵe wākunozgeka kusezgera kumphepete uzitu uliwose uwo ukutitimbanizga mwaluŵiro, mwakuti ise tingamanya kuchimbira na chizizipizgo chipharizgano icho chaŵikika kunthazi kwithu.” Ise tikwenera kuti tivisezgere kumphepete, taŵene. Ise tingayowoya yayi, “Chiuta, Imwe zaninge, mutisezgere ivi kumphepete.” Ise tikwenera kuti tichite icho, taŵene.

⁶³ Sono, ine nkhutemwa kughanaghana za maukwati. Ine ndiri kuŵa na mwaŵi wakukwatiska wanthu pachoko. Ndipo ine nkughanaghana, para ine nkhuchema mwanarumi mwanichi na mwanakazi mwanichi kuti wāfike ku guwa, ndipo nkhuŵawona iwo wākunjira mu tchalitchi; ndipo msungwana, wakutowa wawwara vyakuvwara vyake vya ukwati, na chidiko ku chisko chake ndipo chikufika pasi; ndipo mwenenthengwa, wakunyoroka, wakutchena; ndipo wachichepere na wakuzura na nkhangono, apo iwo wākwenda wākukhira kula mu umoyo wawo uweme chomene, ndipo wākupanga lumbiro lira la ukwati, ine nkhuomezga kuti chiripo chinyake chiweme za ichi. Chiripo chinyake chakupatulika, chifukwa chakuti ichi chikundikumbuska ine kuti kuzamkuŵa ukwati unyake ukuru dazi linyake, para Mkwatibwi wa Khristu wazamkwiza wakwenda wakukhira mu makolido gha Uchindami.

⁶⁴ Mwenenthengwa waŵenge na chirichose chakunozgeka. Kuzamkuŵa ukwati na mugonero. Umo ise tikutemwera kughanaghana za kukakhala sirya linyake la thebulo kufuma kwa yumoza na munyake, na kukorananga chasa yumoza na

munyake, ndipo masozi kukhiranga matama ghithu. Ndipo ghanaghanani, Iyo wizenge, kupuputa masozi ghose ku maso ghithu, kuti, “Kulira yayi. Chose chamara sono. Njirani mu vimwemwe vya Fumu iyyo viri kunozgekera imwe kufuma ku mtendeko wa charu.” O, m’bale, icho chitipangenge ise kutemwana yumoza na munyake.

⁶⁵ Ine nkughanaghana kuti ilo ndilo suzgo na Mpingo, Mkwatibwi muhanyauno, uyo wali kupangika na mipingo yose iyo yikugomezga mwa Khristu. Ndi tchalitchi yayi, nesi ndi wupu panji bungwe, kweni ndi wanthu payekhapayekha awo wali mu mpingo awo wakupanga Mkwatibwi.

⁶⁶ Ine ndiri na mubwezi muweme mu Louisville, Kentucky, Dr. Wallace Cauble, uyo wakaŵa mupharzgi wa Mpingo wa Khristu, ndipo wakiza ndipo wakapokera Mzimu Mutuŵa, ndipo wakuliska umoza wa yikuru, mipingo yikuru chomene mu Louisville, mpingo wa Open Door. Iyo wali kuŵa mubwezi muweme chomene kwa ine. Ndipo mazuŵa ghachoko ghajumphu, ine nkhaiyimirira pa msewu, ndipo ine nkhamuwona iyo wakwiza wakukhira na msewu. Ndipo ine nyengo zose nkhamutemwa iyo, ndipo iyo wakanditemwa ine.

⁶⁷ Kweni dazi limoza iyo wakaŵa na opareshoni ya vilonda vya pa singo, ndipo iyo wakasuluranga ndopa kurazga ku nyifwa. Ndipo iwo wakiza nayo kusika kula ku Saint Joseph Hospital, ndipo iwo wakati iyo wakafwanga. Ndipo Mrs. McSpadden wakandiyimbira ine, wakati, “Dr. Wallace Cauble.” Ine nkhaŵa nindamumanye iyo, kweni ine nkhamanya kuti kukaŵa mpingo ukuru wa Open Door. Wakati, “Iyo wakufwa. Madokotala ghakamulasa majekiseni iyo, chinyake chirichose. Iwo wakamusona. Iyo rutaruta wakusuluranga ndopa, ndipo iwo wakatondeka kuzirekeska ndopa. Ndopa zake zikhomenge yayi, ndipo, imwe mukumanya, kureka kusuluranga.” Ndipo wakati, “Iwo wali na mamishonare mwenemula, ndipo iwo wakukhumba kuti iwe ufike, umurombere iyo.”

⁶⁸ Enya, ine nkhapulikapo za Dr. Wallace Cauble, ndipo nthura ine nkhaŵa ngati wakugongowa pachoko, kweni ine nkharutako. Ndipo para ine nkhati ndalaŵiska mu chipinda cha chipatala, mukaŵa wamishonare na wapharazgi wakuruwakuru, wose mwenemula, kuliranga na kurombanga. Ndipo ine nkughanaghana, “O, mwe! Muchoko chomene ine, mutuŵa muchoko wakukunhuruka, nkhanjire mula? Ntchiweme ine nikhale waka kuwaro kuno.” Nthura ine nkharuta kuseri kwa machini ghakuguriskiramo Coke kuwaro mu holo. Ine nkharomba kwa Chiuta, kuti—kuti warekeske kusulura kwa ndopa, za M’bale Cauble. Ine nkhawerera kumanyuma ndipo nkharuta kuwaro.

⁶⁹ Ine nkhafika waka kunyumba, pafupifupi maminiti fifitini, ndipo foni yikaliraso, ndipo wakukhumba kuti wamanye icho

chikanichedweskanga, kuti ine nkhafika yayi kula. Ndipo ine nkhati, “Ine—ine nangwiza. Kweni mwanguŵa ŵanandi chomene mula. Ine—ine nthā nanguwona kurongozgeka kuti ninjire, panyake, wona, ŵanandi chomene, ŵapharazgi ŵakuruŵakuru mkati mula.”

⁷⁰ Ntheura iyo wakati, “Zanga sono nthena.” Wakati, “Munthu wali na nyengo yichoko yakukhalira wamoyo.”

⁷¹ Ntheura ine nkhawerakoso, kachiŵiri. Ndipo para ine nkhati nanjira mula, iyo wakayezganga kumupanga mlongosi wa Katolika kuti wamuzomere Khristu ngati Muponoski wake; ndipo iyo kusuluranga ndopa, ndipo ndopa kupilirikanga kufuma mu mlomo wake. Ine nkhanjira mkati.

Ndipo iyo wakati, “Ntchiweme nakumana nawe?”

⁷² Ndipo ine nkhati, “Ntchiweme nakumana nawe?” Iyo wakaŵa chikhalire mu bedi, ndipo wakakhosomoranga ngati ntheura, ndipo ndopa zikafumanga.

Ndipo iyo wakati, “Kasi zina lako ndiwe njani?”

Ndipo ine nkhati, “Ine ndine M’bale Branham.”

⁷³ Ndipo iyo wakayamba kulira, wakaŵika mawoko ghake kundikumbatira ine. Ine nkhwada pasi mula.

⁷⁴ Sono, uyu ndi Dr. Wallace Cauble, wa mpingo wa Open Door mu Louisville. Wakumupa kalata iyo. “Ndopa zikareka kusulura nyengo yeneyira.” Izi zikathika yayi, kufuma nyengo yira. Mukuwona? Ndipo ise tiri kuŵa chomene, ŵabwezi ŵaweme chomene kufumira nyengo yira. Ndipo dazi linyake, ine nkhakumana nayo. Ndipo iyo wakati. . .

⁷⁵ Oswald J. Smith, ŵanandi ŵa imwe mukumumanya M’bale Smith. Iyo ndi wamishonare mukuru, ndipo iyo wakwiza ku wa M’bale Cauble, chifukwa iyo wakumutemwa chomene iyo. Iyo wakati, “M’bale Cauble, iwe ukumanya,” iyo wakati, “Ine. . .” Chinyake za muwoli wake. Iyo wakati, “Para ine nkhati natora,” wakati, “Ine nkhwona ngati, enya, usange ine nanangiska, ine mbwenu, o, ine ningamanya kusanga yumoza munyake,” chifukwa iyo wakaŵa mwanichi. “Kweni,” wakati, “para ŵana ŵakati ŵababika,” wakati, “ntheura chikuŵa chinonono kukhala kwambura mwanakazi. Apo ndi para iwe wafika pakunji virimika fifite vyakubabika, iwe ungakhala yayi kwambura mwanakazi. Ndipo apo iwe ukuchekura, chifukwa, iwe—iwe ukuwona ntheura.”

Ine nkhati, “Ine nkhusachizga kuti uwo pafupifupi ndi unenesko.” Ine nkhaŵa. . .

⁷⁶ Umo chisambizgo chikafikira, imwe mukumanya umo madona ghangashopera, ndipo muwoli wane wakaŵa mwenemula. Ndipo iyo ndi fumukazi ya chose ichi. Iyo wakutandalira waka dazi lose. Marundi ghane ghachitima pafupifupi kunikoma ine, pa msewu kwendanga na iyo. Ndipo

iyo wakandiphiliranga ine, wakati, “Enya, iwe ungakhala yayi kwambura mwanakazi.” Ndipo umo ndimo ndemanga yikizira.

⁷⁷ Para ine nkhati naruta kunyumba, ine nkhanjira mu chipinda mula, kughanaghananga, “Uwo mbunenesko.” Ine nkhaliganizga ichi ku chinthu chinyakeso.

⁷⁸ Imwe mukumanya, para ine nkhati ndaphenduka nyengo yakudankha mu... nkhaŵa mupharazgi wa Missionary Baptist, ine nkaghanaghana, “Usange munthu wakaŵa wa Baptist yayi, iyo wakaŵa wakuponoskeka yayi. Ndicho chekha chikaŵako ku ichi.” Ndipo ine nkhanyamura Baibolo ku nkhwapa yane, ndipo nkaghanaghana kuti Fumu yikandichema kuti ndipange waliyose waŵe wa Baptist. “Ndipo waliyose uyo ntha wakagomezga ngati ndiumo ŵa Baptist ŵakagomezgera, iwo ntha ŵakaŵa mu chithuzithuzi napachoko pose.”

⁷⁹ Apo mazuŵa ghakarutanga, ine nkaghanaghana kuti ine nkhaŵa na ntchito yose kuti nichite, ndamwene. Ndipo ine nkhaŵa na kusanga kuti, ine nkawona m’bale munyake uyo wakaŵa na mpingo, mliska. Iyo wakachita nayoso, mwankhongono waka umo ine nkachitira. Nakwenenako, bulangeti likuguzikira pachoko kurazga kwa iyo nayoso, imwe mukumanya.

⁸⁰ Pamanyuma ise tikusanga kuti, ise tikukhumbana yumoza na munyake. Ndipo sono, para ise tikati tayamba kumanyana kufika apa, chikuŵa waka chinonono kuchita kwambura yumoza na munyake. Mbweni kwamara. Ise tikwenera kuŵa waka na yumoza na munyake, mbweni. Ndipo ine nkhumomezga icho chiri mu chakuchitika chikuru ichi cha chipentekosite. Ine ndine wakukondwa kuwona vyakutchinga vira vya kuŵa wambura kupwererako vikumara, Mpingo ukuru wa Chiuta ukuyamba kujiwunganiska iwowene pamoza mu wenenawene. Kung’anamura kuti ukwati uli kufupi sono. Ndipo malibwe, ghadumurika mwachilendo umo igho panyake ghangaŵira, igho ghali nago malo kunyake mu nyumba yira, usange igho ndi malibwe gha Fumu.

⁸¹ Sono, nthengwa, mu kughanaghana kumoza, ndi chilinganizgo. Nthengwa ya pacharu chapasi apa ndi chilinganizgo cha nthengwa ya kuchanya. Sono tiyeni tichilaŵiske ichi, pa nyengo zichoko waka, kuti tiwerezgepo ichi pa kanyengo.

⁸² Chinthu chakudankha icho chiriko, chigamuro chikwenera kuti chipangike. Chinthu chakudankha, chikuchitika, mu nthengwa yakuthupi, ntchakuti chigamuro chikwenera kuti chipangike. Dona mwanichi wakwenera kuti wapange chigamuro chake, kwali iyo wakumukhumba mwanarumi mwanichi uyu; ndipo mwanarumi mwanichi, kwali iyo wakumukhumba mwanakazi mwanichi. Chigamuro chikwenera kuti chipangike, ndipo imwe mukwenera kuti mupange ichi. Iyo

wakwenera kuti waŵe mwanakazi yekha pera mu charu uyo iwe ukumutemwa, ndipo iyo wakwenera kuŵa mwanarumi yekha pera. Usange viri nthaura yayi, ipo iwe ukapanga chigamuro chakwanangika.

⁸³ Ndipo umu ndimo ichi chiliri pa kupanga chigamuro cha kusankha Khristu. Chinthu chakudankha iwe ukwenera kuti uchite, ndi kusankha mu malingaliro ghako kwali iwe utumikirenge Chiuta na kumutora Iyo ngati Muponoski wako, panji iwe uchitenge yayi ichi. Kasi iwe utumikirenge charu? Kasi iwe utumikirenge Khristu? Iwe ukwenera kuti usankhe mu malingaliro ghako. Chigamuro chikwenera kuti chipangike. Para iwe ukusankha mu malingaliro ghako, kuti panyake iwe utumikirenge Chiuta panji charu, nthaura iwe ukotora chisankho chako. Kweni chigamuro chikwenera kuti chipangike.

⁸⁴ Ndipo nthaura, para chigamuro chapangika, kuti iwe, nthaura pakwiza kulumbira. Cheneicho, iwe ukuchisanga pa guwa. Iwe ukwenera kuti upange lumbari pambere kulumikizana uku kundaŵepo. Ndipo umu ndimo kuliri na Mpingo wa Khristu. Pakwenera kuti paŵe kulumbirana na Khristu, a—kupangana, kulumbira, chakuchitika cha chitemwa.

⁸⁵ Ndipo nthaura, chinthu chakurondezgako, ndi—ndi mapangano ghakupangika. Mapangano ghakwenera kuti ghapangike kwa yumoza na munyake, ngati ndiumo imwe mukupangira phangano. “Wakutemweka, usange iwe utoranenge na ine, ine nkhu pangana kuti ine ndizamkuŵa wakugomezgeka na muneneska. Ine ntha ndilaŵiskenge pa mwanakazi munyake waliyose.” Panji, “Ine ntha ndilaŵiskenge pa mwanarumi munyake. Ndipo ine nichitenge chose icho ngati ntchito, ngati muwoli. Ise tiri na ŵana, chose ndichitenge ngati ntchito ngati—ngati mama. Ine—ine ndiŵenge wakusunga nyumba.” Mapangano ghose agha ghakwenera kuti ghapangike, panji ghachitike, mu ukwati wakwenerera.

⁸⁶ Ndipo icho ndi chinthu chenechira para iwe ukwiza kwa Khristu. “Fumu, usange Imwe mundipokererenge ine mu Ufumu Winu, ine nkhu pangana.” Apo imwe muli. “Ine ndimutemweninge Imwe. Ine ndiŵenge muneneska kwa Imwe. Ine ndimutumikireninge Imwe, muhanya na usiku.” Ntchiheni chomene kuti ise tikuruwa icho. “Ine ndimutumikireninge Imwe, muhanya na usiku. Ine niziŵizgenge. Ine nirombenge. Ine ndiŵenge wakugomezgeka kwa Imwe. Ine nifikenge na vyakhumi vyane mu nyumba yakusungiramo katundu. Ine—ine—ine nirombenge, nyengo zinandi pa dazi. Ine—ine ndichitenge chirichose. Ndipo ine ndipangenge chitemwa chane chose kwa Imwe.” Icho ndicho iwe ukwenera kuchita. Uwo mbunenesko nadi, uko iwe ukupangana icho, ndipo ichi chikwenera kufumira mu mtima wako.

⁸⁷ Usange iwe wamulayizga mfumu wako icho, ndipo ntha

kufuma mu mtima wako, iwe ukung'anamura ichi, iwe mwakufikapo ntha ukukhala umoyo uweme na iyo. Ichi chiri ngati chitemwa cha m'mawonekero.

⁸⁸ Laŵiskani kuno. Usange—usange imwe mulije mino, ndipo imwe mukugwiriska ntchito mino ghafeki, sono, icho chiri makora. Uku ndi kugwiriska ntchito mino ghanyake m'malo mwa agho mukaŵa nagho kale. Kweni, mu unenesko, mino ghara ntha ngakulumikizika kwa imwe. Agha ntha ndi gawo la imwe. Usange imwe mukaŵa na—woko lakudumuka, ndipo imwe mwaŵikapo woko lakuchita kupanga, enya, woko ilo ntha ndakulumikizika kwa imwe. Ili labatikika waka pa imwe. Mukuwona? Ili ntha lalumikizika kwa imwe.

⁸⁹ Ndipo para ise tikuyowoya phangano lithu kwa Khristu, usange ise ntha tikuzgoka gawo la Iyo, umo mwanakazi wakwenera kuti wazgoke gawo la mwanarumi ndipo mwanarumi gawo la mwanakazi, ipo ise ndise Ŵakhristu ŵakuchita kupanga. Ise ntha tiri. . . Iwe nadi ntha watorana na mwanakazi yura, iwe panyake ungaŵa wakugomezgeka, usange iwe ukumutemwa yayi mfumu wako, ndipo iyo virimika sikisite panji sevente vyakubabika, ndipo iwe ntha ukumutemwa makora iyo ngati ndiumo iwe ukachitira pa chiyambi, ipo nadi iwe ukulera waka ŵana ŵake.

⁹⁰ Umo ndimo mipingo yiliri, yinandi chomene muhanyauno. Ise tikutora waka zina la “Mpingo wa Chikhristu,” kujikhungurufya kuti ndise Mkwatibwi. Penepapo, uwu ngwakuchita kupanga. Ise ntha ndise ŵakulumukizika kwa Khristu munthowa yiriyose. Ise tiri ngati jino lakuchita kupanga, woko lakuchita kupanga, jiso lakuchita kupanga. Mukuwona? Ndi chinyake icho ndi chakuchita kupanga usange ise tavwara waka ichi. Enya, imwe mungavwara yayi Chikhristu. Imwe mukwenera kuti muŵe ŵakulumikizika ku ichi.

⁹¹ Ndipo nthaura mpingo uwo ngwakuchita waka kupangika, wakuchemeka mpingo wa Khristu, enya, ŵana ŵara ipo ntha ŵali mkati Mula, awo ŵali kubabika na bungwe lenelira. Ndi. . . Iwo ntha ndi ŵana ŵa Khristu. Iwo ndi ŵana ŵa bungwe, ndipo ntha ŵana ŵa Khristu.

⁹² Usange mwanakazi ntha ngwakulumikizika ku mwanarumi mu unenesko, ipo uyu ndi mfumu wake yayi. Uyu ndi mwanarumi waka uyo mwanakazi wapanga nayo malumbiro kuti wakhalenge nayo, ndipo iyo wakapanga lumbiro lakwanangika. Mwanakazi wakapangana kuti wamutemwenge mwanarumi, ndipo wakayowoya kuti iyo wakamutemwa mwanarumi, ndipo iyo wakachita yayi ichi. Nyengo yose, mwanarumi ngwakupusikika.

⁹³ Kweni pali chinthu chimoza chakusimikizgika, ŵabwezi, ise timupusikenge yayi Khristu. Iyo wakuŵamanya Ŵake yekha.

⁹⁴ Kweni, imwe wonani, chakudankha, vigamuro vikupangika. Chakurondezgaako, kulumbira. Pamanyuma, phangano.

⁹⁵ Ndipo, pamanyuma, mwambo. Ndipo apo ndipo mkwatibwi—mkwatibwi wakutora zina la mwenhengwa. Iyo nthā wakumanyikwaso na zina lake yekha. Iyo wakutora zina la mwenhengwa.

⁹⁶ Ndipo nthēura para Mpingo uli na mwambo, ukupanga mapangano ghake, nthēura Uwu ukutora Zina la Mwenhengwa. Nthēura Uwu nthā ndi mpingo wa charu. Uwu ndi Mpingo wa Fumu Yesu Khristu. Amen. Nthā. . . Ine nthā nkhung'anamura, icho, mwa zina. Ine nkhung'anamura, icho, mwa Kubabika, mwa chilengedwe, kwizira mu nkhongono ya Chiuta. Kwizira mu Unesko wakuvumbukwa wa Chiuta, mu mtima, Uwu ukuzgoka Mpingo wa Chikristu, Mpingo ukuru wa charu chose wa Chikristu cha upostoli. Uwu ukuzgoka gawo la Khristu. Para Uwu wachita icho, Uwu. . . Khristu wakunjizga mwa Uwu Mzimu Wake Yekha, Umoyo Wake yekha. Ndipo Baibolo likayowoya, kwa Adam na Eva, kula, "Imwe nthā ndimweso wāwiri, kweni yumoza." Ndipo para mwanakazi, Mpingo, watengwa kwa Khristu, iwo mbawiriso yayi. Iwo ndi Yumoza. Khristu mwa imwe! Amen. Ndicho ichi. Umoyo Wake wanjira mwa imwe, nthēura imwe mukuzgoka Mkwatibwi.

⁹⁷ Nthēura, chinthu chinyake, para iyo watora malumbiro ghose agha, na vinyake nthēura, ndipo mwambo wayowoyeka:

⁹⁸ Ngati, zina la muwoli wane wakaŵa Broy pambere iyo wakaŵa wandatengwe. Sono, iyo nthā wachali Broy. Iyo ndi Branham. Sono, iyo wachaliso Broy yayi. Iyo ndi Branham.

⁹⁹ Ndipo para imwe mwanjira mwa Khristu, imwe nthā ndimweso wā charu. Imwe ndimwe wā kwa Khristu. Mukuwona? Imwe nthā mukupwerera vinthu vya charu. Ivi ndi vyakufwa kwa imwe. "Pakuti iyo mweneuyo wakutemwa charu, panji vinthu vya charu, chitemwa cha Chiuta nthā chiri nanga ndi mwa iyo."

¹⁰⁰ Nthēura, imwe wonani, imwe mungaŵa yayi Mukhristu wakuchita kupangika. Imwe mungamanya kuŵa wakuchita kupangika, Mukhristu zina.

¹⁰¹ Kweni imwe mungaŵa yayi Mukhristu, kuzgoka, mpaka Khristu wajinjizgemo Iyomwene, kwizira mu ubapatizo wa Mzimu Mutuŵa, mwa imwe. Nthēura imwe ndimwe wākulumikizika na Iyo. Imwe nthā ndimweso wāwiri. Imwe ndimwe Yumoza. Khristu wakalayizga kuzakaŵa mwa ise, umo Wadada wakaŵira mwa Khristu. "Ine na Adada Wane tiri Yumoza. Imwe na Ine tiri Yumoza." Mukuwona? Khristu mwa ise! Chose icho Chiuta wakaŵa, Iyo wakapungulira mwa Khristu. Ndipo chose icho Khristu wakaŵa, Iyo wakapungulira mu Mpingo, kuti warutirizge mlimo wa Ivangeli.

102 Ntheura ise tikuzgoka, ntha kwizira mu zina lakuchita kupangika, kweni kwizira mu chenekocheneko cha Mzimu Mutuwa Wamoyo kutilumikiza ise mwa Khristu. Ntheura, kwizira mu nkhangono ya chiwuka Chake, ise tawuka ku vinthu vyakufwa vya charu, ndipo takhala na Iyo mu malo gha Muchanyachanya. Amen. Ine nkchuchitemwa icho. Usiku uwu, ise takhala mu malo gha Mchanyachanya mwa Khristu Yesu, wonani, tawuskika pamoza na Iyo; tikafwa ku vinthu vya charu, ndipo tatora vya Khristu. Ndipo para ise tatora vya Khristu, ntheura charu ntchakufwa, ntheura ise ntha tikupwerera vya charu. Charu ntchakufwa kwa ise. Ndipo ise ndise... Ndipo ntchakufwa kwa ise, ndipo ise ndise wakufwa ku ichi.

103 Iwe ndiwe munthu wakulekana, maukhaliro ghakulekana, chifukwa iwe ndiwe chilengiwa chiphya. Chakulengeka! Ntha chakulengeka chenechira, chakupolishika; ntha—munthu uyo wajura peji liphya. Kweni munthu uyo wakafwa, ndipo wababikaso, ndipo wazgoka chakulengeka chiphya mwa Khristu Yesu, ndipo Mzimu wa Chiuta wamoyo ukukhala mwa munthu.

104 Sono, kuyana waka na mwanakazi uyo ntha wachali Broy, iyo ndi Branham, ndipo iyo wakwendera zina lira.

105 Ndipo Mpingo ntha uliso wa charu, kweni uwu uli mu Zina la Khristu, Uwu uli. Uwu ngwakulumikizika na Iyo, kwizira mu Umoyo Wake Yekha.

106 Kasi imwe mukaŵazgapo mu Malemba, umo kuti munthu wakudankha, Chiuta wakalenga, wakaŵa—munthu paŵiri? Adam wakaŵa vyose Adam na Eva, kuyowoyanga kwauzimu, kweni para Iyo wakati walenga munthu wakudankha mu chikozgo Chake yekha. “Ndipo Chiuta ndi Mzimu.” Kweni, para Iyo wakati waŵawika iwo mu thupi, Iyo wakaŵapatula iwo. Iyo wakatora mzimu wa chanarumi, wakaŵika uwu mu mwanarumi, ndipo wakatora mzimu wa chanakazi ndipo wakaŵika uwu mu mwanakazi.

107 Sono, para imwe mukuwona mwanakazi wakukhumba kuchita ngati mwanarumi, chiripo chinyake chanangika. Para imwe mukuwona mwanarumi wakukhumba kuchita ngati mwanakazi, chiripo chinyake chanangika. Ntheura kukuwoneka ngati kuti charu chose ntchakwanangika, muhanyauno. Wanarumi wakuyezga kuchita ngati wanakazi; wanakazi ngati wanarumi. Ndimu kuliri. Ndi ndi unenesko.

108 Sono wonani. Ichi ntchakufikapo chomene, kuti para Chiuta wakatora ndipo wakapanga munthu, ndipo kuwoneska kuti Iyo wakakhumba yayi kuti uyu wapangike kufuma ku chinyake chakulekana, mwanakazi wakaŵamo yayi mu chakulengeka cha pakudankha. Ntheura iyo ntha walimo mu chakulengeka, kweni iyo ndi gawo la Adam. Iyo ngwakuchita kupangika. Iyo wakunjira kulwandi kwa Adam, ntha kuti wapange

chilengiwa chinyake, kweni kutoranga gawo la chilengiwa ndipo wakapanga chilengiwa chinyake kufuma ku ichi. Ndipo Iyo wakatora mzimu wa chanarumi uwo ukaŵa mwa Adam... Ndipo wakatora mzimu wa chanakazi uwo ukaŵa mwa Adam, mphanyiko, ndipo wakaŵika uwu mu mwanakazi. Ntheura, vyose mzimu na thupi, ivi vikazgoka chimoza.

¹⁰⁹ Chikaŵa chithuzithuzi chiweme ku icho Chiuta wakachita pa Mphinjika. Iyo wakatora Khristu, ndipo wakamulumikiza Iyo na Mpingo, kwizira mu chigaŵa chakuparuka, Iyo wakatora Ndopa izo zikatozga munthu, izo zikutuŵiska thupi la Mpingo, ndipo zikuŵika Mzimu wa Chiuta wamoyo, uwo Iyo wakatora kufuma pa mphinjika kula, kufuma mwa Khristu, ndipo ŵakuŵika Uwu mwa munthu payekha. Ntheura iwo ndi yumoza. Iwo ŵakuzgoka yumoza. Khristu na imwe ndimwe yumoza.

¹¹⁰ Ndipo iwe na mfumu wako mukwenera kuŵa yumoza. Usange chiripo chinyake chakulekana, ipo chiripo chinyake chakwanangika na kulumikizana kwinu.

¹¹¹ Ndipo usange chiripo chinyake chakulekana na ise, kwa Khristu, ise nthā tikugomezga Mazgu Ghake, tikuti, “O, icho chikaŵa cha mazuŵa ghanyake,” chiripo chinyake chakwanangika na kulumikizana kwithu na Iyo. Usange imwe mukuti, “Mazuŵa gha minthondwe ghali kujumphā; kulije machirisko Ghauzimu; kulije ubapatizo wa Mzimu Mutuŵa,” chitorereni icho kumanyuma kumalo kunyake, icho chikuwoneska kuti Mzimu wa Khristu mulije mwa imwe.

¹¹² Chifukwa, “Mu mtendeko mukaŵa Mazgu, ndipo Mazgu ghakaŵa na Chiuta, ndipo Mazgu wakaŵa Chiuta. Ndipo Mazgu ghakazgoka thupi.” Ndipo ntheura para Mazgu Ghake ghawonekera mwa imwe, ntheura, imwe wonani, imwe na Khristu ndimwe yumoza nyengo yira. “Usange imwe mukukhala mwa Ine, ndipo Mazgu Ghane mwa imwe, imwe mungamanya kuromba icho imwe mukukhumba,” chifukwa ndimweso yayi munthowa yiriyose. Ndi Mazgu gha Chiuta, Khristu mwa imwe. Imwe mukuzgoka yumoza. Viri makora.

¹¹³ Ntheura, chinthu chinyake, para mwanakazi wachita ichi, para iyo wakwaniriska malumbiro ghake, ndipo wazomera nthengwa yake, ndipo watora zina la uyo waŵenge mwanarumi wake, zina la mwenenthengwa, ntheura iyo ndi muhaliri wa chirichose iyo wali nacho. Iyo ndi muhaliri wa chirichose. Muwoli wako ndi muhaliri wa chirichose iwe uli nacho.

¹¹⁴ Ndipo icho ndi chinthu icho Mpingo uli, usange Uwu ukachimanyenge waka ichi, pakuŵa gawo la Iyo na Mzimu Wake mu Uwu. Iyo wakati, “Milimo iyo Ine nkhuchita imwe muzamuchita namweso. Yinandi kuruska iyi imwe muzamkuchita, pakuti Ine nkhouruta ku Ŵadada Ŵane. Kanyengo kachoko, ndipo charu chindiwonengeso yayi Ine; kweni imwe muzamkundiwona Ine, pakuti Ine ndizamkuŵa

na imwe, nanga ndi mwa imwe, kufika ku umaliro wa charu.” Ntheura ndi Khristu mwa imwe. Imwe mwalumikizika pamoza, ndipo ndimwe wahaliri pamoza na Iyo.

115 Ndipo usange Iyo wakaŵenge pano pa charu chapasi, kasi Iyo nthena wakuchita vichi? Chinthu chenechira Iyo wakachita kula, chifukwa Iyo ndi mwenyura mayiro, muhanyauno, na muyirayira. Iyo mbwenu wapwererenge vya mlimo wa Adada. Iyo mbwenu wachizgenge wawari. Iyo mbwenu wachitenge minthondwe. Iyo mbwenu wachitenge waka ndendende icho Iyo wakachita para Iyo wakaŵa pano pa charu chapasi, chifukwa Iyo wakukhalirira mwenyura mayiro, muhanyauno, na muyirayira. Ichi ntchakufikapo waka. Iyo ndiyo nthengwa.

116 Kweni, sono, uli usange mwanakazi uyu mbwenu watengwa, wapanga malumbiro ghose agha na chirichose, ndipo iyo wakuzgoka mfumu wa mwanarumi uyu, ndipo iyo ndi muhaliri ku chose iyo wali nacho, na vinyake ntheura, ndipo pamanyuma iyo wayamba mtafu? Iyo wayamba kureka kupulikira. Iyo wakwamba, kwendezgananga na wanarumi wanyake. Apo pera yayi, iyo wakugaŵana chitemwa chake na wanyake. Mwanarumi na muwoli wake, mapangano ghose agho iwo wali kupanga, ndipo pamanyuma iyo wakuruta kuwaro ndipo wakuyamba kugaŵana umoyo wake na wanyake, chitemwa chake na kutemwa kwake na wanyake.

117 Icho ndicho Wakhristu wanandi wakuchemeka ntheura wakuchita, kugaŵananga chitemwa chinu na charu: kuseweranga, kuvinanga, kukhalanga kunyumba kujombanga ku maungano gha visopo, kuti muwonerere television, mitundu yose ya vinthu vya charu ivyo vyatora malo gha chitemwa cha Chiuta, mu mtima wa mpingo. Iyo wayamba kureka kupulikira. Iyo wakuchita mtafu. Iyo wakwendezgananga na wanarumi wanyake. Iyo wakugaŵizga chitemwa chake. Iyo watorenge chakhumi chake icho iyo wakwenera kuti wapereke ku tchalitchi; iyo wagwiriskenge ntchito ichi pa vinthu vinyake kuwaro kula mu charu. Iyo . . . M'malo mwakutemwa Chiuta umo iyo wakwenera kuchitira, na kukhaliranga umoyo Chiuta, na kutemwa kwizanga ku tchalitchi, imwe pafupifupi mukwenera kuti mumukakamizge iyo kuti wafike.

118 Chifukwa, ine nkhumanya, kuno ntha kale chomene, a—mupharazgi wakandiphallira ine kuti iyo wakatuma malurombo ghanandi chomene. . . makadi ghanandi chomene, kuti wanthu walembepo, mwakuti iwo wapangane kuti wafikenge ku Sande sukulu pafupifupi myezi sikisi mu chirimika chirichose.

119 Ndipo ine nkhawona msungwana mulara pachoko kusika kwa phiri kula, uko ine nkhangwiranga ntchito. Ndipo iyo wakiza kufuma kula. Ndipo ine nkhayimirira pa muryango, wakakhung'uska pa chijaro, ndipo iyo wakiza ku muryango.

Ndipo iyo wakaŵa yumoza wa aŵa kuno ŵakuseŵera bola Mwaluso, imwe mukumanya.

¹²⁰ Ngati gulu ili ilo iwo ŵkachita kuŵamanga uku mu Phoenix usiku wamara, ine nkhuomezga ukaŵa, ŵkachitanga utimbanizgi wasono uwu wa—wa gwenyu-na-kunkhuru, panji kubinyukanga, chose icho chikaŵako, ndipo iwo ŵkachita kutora ŵapolisi kuti ŵafike ŵazakaŵatore iwo. Wana ŵachichepere, kasi imwe mukupulikiska yayi kuti uwo ndi mzimu wa devulu? Pasi pa chikoka, mpaka iwo ŵakamanya yayi icho iwo ŵakaŵa, kuwaro mu misewu, kuchitanga viheni.

¹²¹ Kuyana waka na ŵanyake ŵanthabwara aŵa, panji ŵakulizga marekodi aŵa, na ŵamilangwe, na ŵanyake ntheura, ŵakuruta ku malo, mu msumba uko ine nkhaŵa. Ndipo madona ghanichi kuvuranga malaya ghawo gha mkati na kuponya pa gome, kuti mnyamata uyu waŵajambure. Kasi imwe mukumanya yayi kuti uyo ndi devulu? Ndi mzimu wa mazuŵa ghaumaliro. Nadi. Ntchasoni chomene. Apo imwe muli, ŵamtafu.

¹²² Mwanakazi mwanichi uyu, iyo wakiza, kuchitanga viheni. Iyo wakamanya yayi kuti ine nkhaŵa...Wakandiruwa ine nkhayimirira pa muryango. Ndipo iyo wakati, “O, mundigowokere ine. Ine nanguruwa za imwe kuti mwayimirira apo.” Ndipo iyo wakaponya mufyofyontho kwa mwanarumi yura pa rediyo, kwali ichi chikaŵa chivichi, ndipo wakati, “Ine namukumana nawe kuwaro ku Greenbrier Patch,” panji kwali ichi chikaŵa chivichi. Iwo ŵakati ŵaŵenge na mtundu unyake wa dansi usiku ula.

Ndipo ine nkhayowoya kwa Dr. Brown, uyo wakaŵa mubwezi wane.

¹²³ Iyo wakati, “Kasi gulu lako likujisunga uli kunena kula, Billy?”

Nkhati, “Makora.” Ine nkhati, “Ise tikuŵapasa mapilisi.”

Iyo wakati, “Mtundu uli wa mapilisi?”

¹²⁴ Ine nkhati, “Maivangeli. Ilo nadi likuŵapanga iwo kwizanga nyengo zose.” Mukuwona?

¹²⁵ Ndipo iyo wakaniphalira ine za icho, kulembanga mapangano ghara. Ndipo ine nkhati, “Dr. Brown, kasi iwe ukughanaghana kuti wakuseŵera Mwaluso yura pa rediyo yira wakwenera kuti wamupangiske msungwana yura kuti walembe phangano kuti iyo wamuŵako kula usiku ula? Yayi nadi. Iyo mbwenu wapinyoriskenge malaya agho iyo wavwara, kuti wakafike kula.” Chifukwa? Ndi chinyake mwa iyo icho ntchakulumikizika kwa iyo, mzimu, ku sangurusko lira la charu.

¹²⁶ Ndipo kufikira kuti Mpingo wa Chiuta wamoyo, uwo ukuchemeka Mkwatibwi wa Khristu, ufike iwowene pa kujilumikiza kwa Chiuta ngati ntheura, uwu urutirirenge ndithu

kuviviranga mu charu, mu matope gha kwananga, kufikira kuti uwu walumikizika kwa Chiuta mu nthowa yantheura, mpaka mtima wake ngwakuzura chomene na uchindami na nkhangono ya Chiuta, mpaka uwu ungawona chinyake yayi kweni Khristu. Uwo mbunenesko.

127 Icho ndicho ise tikwenera kuti tichite. Iyo ndiyo pulani yekha pera, ndondomeko yekha pera iyo Chiuta wali nayo, ndi kuchita chinthu ngati icho. Imwe nthu mukwenera kuti munjiremo mwa kuchita kujipanga. Imwe mukwenera kuti mubabikiremo, nthu kututuzgikiramo, panji kwiza na kalata ku tchalitchi. Kweni kubabikira mu Mpingo wa Chiuta wamoyo, kwizira mu kusinthika, kwizira mu nkhangono ya chiwuka cha Yesu Khristu, icho chikumupangani imwe chilengiwa chiphya mwa Iyo. Amen. Icho chikunozga ichi. Icho chikuchita ichi. Nadi. Viri makora.

128 Uwu ukuyamba mtafu. Uwu ukuyamba kugaŵana chitemwa chake na ŵanyake, vinthu vyacharu, sangurusko za charu, kurutanga ku malo uko uwu nthu ukwenera kuruta, kuyowoyanga vinthu ivyo uwu nthu ukwenera kuti uyowoyenge.

129 Kuno nyengo yimoza ine...Iwo ŵakaŵa na madona... mtundu unyake wa phwando la mpingo mu vipinda vya muchanya. Ine mbwenu vikachitika kuti nkhaŵa na chinyake chakuchita mu chipinda chapasi cha nyumba. Ndipo ine nkhumuphalirani imwe, ine ndiri kupulikapo vinthu vinyake vyakofya para ine nkhaŵa wakwananga, kweni, unganu ula wa ŵanakazi, ine nkhaŵa nindapulikepo milangwe yiheni chomene mu umoyo wane wose. Kasi imwe mungalingalira, munthu uyo wakuchemeka Mukhristu, wangamanya kuzomerezga ukazuzi wantheura kufuma kwa iwo?

130 Imwe munganegha yayi maji ghaweme na ghaheni kufuma pa chisime chimoza. Imwe munjizge chithini mu chisime, ndipo ichi chikufuma ntchakuzura na minyololo, ise ndimo tikuchemera iyi. Para imwe mukunjizgamoso chithini, ichi chifumiskege chinthu chenechira. Chisimi chikukhumbikwa kutozgeka, na kuzuzgika na maji ghaweme.

131 Icho ndicho chikuchitika na mpingo muhanyauno, kuyowoyanga za charu chose, kuti uwu ukukhumbika kutozgeka, kuzuzgika na maji ghatuŵa gha Chiuta kufuma Kuchanya. Mtima wake wazgoka chinkhando cha chirichose icho chikwiza. Uwu uli na ŵabwezi ŵa mitundu yose. Baibolo likati uwu uzamkuŵa nawo. “Ŵakutemwa vyakusekereska kuruska kutemwa Chiuta, ŵaheni, ŵakususka mwautesi, ŵambura kujikora, na ŵakunyoza iwo ŵeneawo mbaweme.”

132 Wonani mwanakazi uyo wakuyezga kukhala umoyo wakwenerera, mwanarumi uyo wakuyezga kukhala umoyo wakwenerera, iyo wakuzgoka “mutuŵa-wakukunkhuruka,” mwanakazi wakuzgoka “wakunyanyira,” panji chinthu chinyake

chamachitiro ghakale. Iyo ndi wakutayika. Iyo ngwakunyozeke na wakukanika na wanthu wa charu ichi. Uwo mbunenesko.

¹³³ Kweni kasi imwe mukawonapo icho Mpingo weneko ukwenera kuchita? Mu Chipangano Chakale, para iwo wakaŵa na—sembe, iwo wakakoma kayuni kamoza, ndipo wakaŵika ndopa za kamoza pa kanyake, kanyake kakufwa; ndipo aka kakawuruka muchanya pa charu chapasi, kuwazganga ndopa za kanyake kakufwa. Para Mpingo wazgoka Mkwatibwi mweneko wa Yesu Khristu, Uwu unyamurenge Ndopa za Yesu Khristu na Uwu, kuwazgiranga izi pa dongo, kuchemanga, “Mutuŵa, mutuŵa, mutuŵa kwa Yehova.” Kaŵiro kake, chirichose cha uwu chiwenge cha Chiuta. Kapangikiro kake kose kaŵenge ka Chiuta. Imwe mungakhazga chinyake yayi.

¹³⁴ Ndicho chifukwa wanthu wakwiza ku tchalitchi, nakoso. Ntha kuzakaseŵera makadi na kuseŵera beti, kuvina mu chipinda chapasi, kuŵa na maphwando gha msuzi na vinthu ngati ivyo. Ivyo ndi vya charu. Ndipo ise tikwaniskenge yayi kujilinganizga na iwo, ndipo soni kwa ise chifukwa cha kuyezganga ichi. Ise tikwenera kuti tipharazgenge Mzimu Mutuŵa, mu nkhongono, na chiwuka cha Khristu. Ise tiri na chinyake icho iwo walije. Tiyeni tikhale umoyo wa ichi, ntha kuyezga kukoperanga vya iwo. Khalani umoyo wa icho ise tikumanya kuti ndi unenesko. Khalani mwa Khristu. Yesu wakati, “Usange Ine naruta kuchanya, Ine ndizamkutorera wanthu wose kwa Ine. Imwe ndimwe muchere wa charu chapasi. Kweni muchere wataya nkhongono yake, nthaura uwu nguweme yayi kweni kuti uponyeke kuwaro na kudyakika kusi ku marundi gha wanthu.” Maukaboni ghithu!

¹³⁵ Ndicho chifukwa, nanga ndi magulu ghithu gha Chipentekosite, uheni umo ine nkhutinkhira kuyowoya ichi, magulu ghithu gha Pentekosite ghakuwira nkhanira mu chinthu chenechira, nkhanira mu kachitiro kenekala. Ndipo ndicho chifukwa wanthu wakuyowoya kuti iwo walije icho iwo wakuyowoya kuti wali nacho. Mpingo uwu wa chakuchitika cha chipentekosite ukwenera kuŵa wakumangika chomene pamoza na nkhongono ya Chiuta Mwenenkhongono, mpaka Umoyo weneula wa Yesu Khristu ungamanya kuwonekera mu Uwu.

¹³⁶ Kweni ise tikukhumba kujilinganizga na charu. “Ise tichitenge ichi, munthowa yiriyose.” Mukuwona? “Ise tikukhumba kuti tiŵe na nthowa yithu ya ichi.” Kweni ise tingachitanga yayi ichi. Ndi kwananga kuchita ichi. Mipingo yiri ngati waka mwanakazi, yachita mtafu.

¹³⁷ Chinthu chakudankha imwe mukumanya, uwu ukuŵa makora, pa chiyambi para Chiuta wakati wayamba Mpingo uwu wa pentekosite, pafupifupi virimika fote panji fifite vyajumpha. Uwu ukakhala umoyo utuŵa. Uwu ukaŵa utuŵa. Nkhongono ya

Chiuta yikaŵa na uwu. Kweni apo ise tikurutirira, ise tikuyamba kukozgana na charu.

138 Chinthu chakudankha imwe mukumanya, ise tikukhumba kuti tiŵe na nyumba iyo njikuru chomene kuti yiruske ŵa Methodist pa kona kusirya linyake. Ise tikwenera kuti tiŵe na chinyake chikuru chomene, chinthu chikuru chomene, na chinthu chikuru chomene, na chinthu chikuru chomene. Ichi ntchasoni. Ŵanandi ŵa ise tikujikwezga taŵene para ise tasanga...M'bale wa Pentekosite wakumuwonera munyake pasi, kagulu kachoko, panji tchalitchi lichoko, ndipo iwo ŵakuruta ku tchalitchi likuru. "Ise tiri mu mpingo wakudankha, panji mpingo ukuru," panji chinyake ngati icho; kuŵayuyura iwo.

139 Icho imwe mukukhumbika ndi Mzimu Mutuŵa, kuti umuphwafureniko imwe pachoko, uwo mbunenesko, kumupangani imwe mumanye kuti ubapatizo weneko wa Mzimu Mutuŵa umupangenge wa suti yifipa waŵike mawoko ghake pa maovoloro na kuti, "m'bale." Mubnenesko. Chiponosko cheneko cha nyengo-zakale, nkhangono ya Chiuta Mwenenkhongono, enya, bwana, umupangenge wa diresi lakale la siliki kuŵika mawoko ghake pa wa diresi la kaliko, na kuti, "Mlongosi, ine nkhekutemwa iwe." Nadi wachitenge.

140 Kweni ise tikuyamba kuruta kuwaro pamoza na charu, kurutanga na majigha. Mpingo withu wachita. Ise ntha tikwenera kuti tiyowoyenge za ŵa Methodist na ŵa Baptist munthowa yiriyose. Ichi ndise taŵene. Ichi chiri mu magulu ghithu. Ndicho chifukwa Mzimu Mutuŵa wangantha yayi. Ndicho chifukwa ine nkhuwoyoya kuti Chiuta wangaŵika yayi kukhozgera Kwake pa bungwe lililose usiku uwu. Chifukwa, Ŵamitundu ntha ŵakatoreka ngati fuko. Iwo ŵakaŵa ŵanthu kufuma pa Ŵamitundu, chifukwa cha Zina Lake. Chiuta watorenge ŵanthu payekhapayekha.

141 Sono, ine nkhuomezga kuti mabungwe ghithu ghakuchita ntchito yiweme. Icho chiri makora. Kweni imwe mungagomezga yayi pa icho, kuti, "Ine ndine wa pentekosite, chifukwa ine ndiri mu bungwe la Pentekosite." Iwe ndiwe wa pentekosite para iwe wapokera chakukuchitikira cha chipentekosite. Ine nkhuworerera yayi usange iwe uli mu mpingo wa Katolika, iwe ndiwe wa pentekosite. Imwe mungaupanga bungwe yayi wa Pentekosite. Pentekosite ndi chakumuchitikirani, ntha bungwe. Ndipo uwo mbunenesko.

142 Kweni ise ŵanthu ŵa Pentekosite tiri kuyamba kughanaghana, chifukwa chakuti ise tiri na zina la Pentekosite, ise tingamanya kurutirira na kukhala mu charu, kuchita chirichose ise tikukhumba kuchita. Ise tiri ngati kukweranga chigongwe cha Nimrod; ichi chimalirenge ku vyoto. Ngati chakuvwara cha Adam cha khuni la chikuyu; uwu uwererenge

kumanyuma. Ngati linga la Siegfried mu France, Linga la Maginot mu Germany; ili likawa.

¹⁴³ Chifukwa, kulije chigongwe chinyake, kulije chakuyimapo chinyake. “Kweni Zina la Yehova ndi chigongwe chakukhora uko w̄arunji w̄akuchimbirirako ndipo mbakuvikiririka.” Para imwe mwachimbirira mu Ichi, imwe mukutora Zina, Zina; nthu kuchemekanga waka Zina, kweni Zina na munthu uyo imwe muli, wakukozgana na Khristu mu umoyo. Amen. Ngwakuziziswa Iyo wali. Enya.

¹⁴⁴ Mpingo wachita ntheuraso, kuchitanga mauzaghali ghauzimu, ngati mwanakazi uyo wangapereka chitemwa chake kufuma ku mfumu wake kuruta ku mwanarumi munyake. Mwanakazi yura ndi wakwenerera yayi kukhala nayo. Imwe mukumanya icho. Ndipo para mpingo wayamba kugaŵana wenenawene wake na charu, Chiuta ndi Chiuta wasanje. Iyo wakamutaya Israel chifukwa cha icho, ndipo Mwana Wake watayenge kutali chinthu chenechira.

¹⁴⁵ Iyo wazamkuŵa na Mkwatibwi uyo walije nkhwinya mwa Iyo. Amen. Iyo kwathunthu ngwakuchapika kwizira mu Ndopa za Iyomwene. Uwo mbunenesko. Ntheura ise tikuwona apo ise tayimirira, ukwati uli pafupi kuti uchitike.

¹⁴⁶ Sono, ise tikusanga kuti uwu ukuchita mauzaghali ghauzimu, kwendezgananga na charu, kuyowoyanga chinyake, kukhalanga umoyo unyake wakulekana. Icho chigwirenge ntchito yayi. Icho mpingo ukwenera kuti uchite, ndi kuchita ngati ndiumo Estere wakachitira. Estere wakakana kujitoweska na vyacharu.

¹⁴⁷ Ise tikulimanya buku lichoko lira la Estere, umo kuti Modekayi... Sibweni wake wakaŵa na mwana mwanakazi. Ndipo wakaŵa kusika mu nyengo ya kuwusa kwa Medes na ŵa Persia. Ndi chithuzithuzi cha mtundu uweme chomene kula. Fumu, yimoza ya mafumu ghakuru chomene mu charu nyengo yira, iyo yikaŵa na chiphikiro chikuru. Ndipo iyo yikachema fumukazi kuti wazakakhale pafupi na iyo, kweni iyo wakachita yuchi ichi. Iyo wakakana kuchita ichi. Ntheura kasi iyo wakachita vichi? Iyo wakayuyurika chomene, wakamanya yayi chakuti wachite, kuti muwoli wake yekha wakakana kwiza.

¹⁴⁸ Ine nkhughanaghana icho chiri ngati Khristu muhanyauno. Khristu wali kutichema ise kuti tikhale mu malo gha Mchanyachanya na Iyo, ndipo ise tikuchita soni na ichi. W̄anthu w̄anandi w̄akuchita soni kuyowoya kuti iwo w̄ali na ubapatizo wa Mzimu Mutuŵa. W̄anthu ŵa Pentekosite, uwo mbunenesko, iwo w̄akuchita soni kuyowoya ichi. Ise tikuchita soni na Iyo.

¹⁴⁹ Ndipo ntheura fumukazi yikiza yayi. Iyo wakakana kwiza. Ichi chikayuyura fumu. Chisko chake chikachesama. Waliyose wakawona.

150 Ine nkhumanya yayi usange chisko cha Yesu chikuzgoka chiswesi yayi pachoko, nachoso, para Iyo wakutichemera ise ku mlimo, wakutichemera ku chakuchitika cha Chipentekosite kuti tiwe na wenenawene na ubale, Ndipo ise tamamatirana chomene mu magulu ghachokoghachoko mpaka ise tikukhumba yayi kupulikira vya munyake. Ise tiri chomene, tikuchita chomene vya charu na vinthu ngati ivyo, ise tikuchita soni na zina la Pentekosite. Wanthu wanyake wali na wofi kuyowoya. Kuti, “Enya, ine—ine ndiri mu... Ine ndine Mukhristu, kweni...” Ine ndine wakukondwa kuti ndiri na chakundichitikira cha chipentekosite. Amen. Ine ndine wakukondwa kuti nkhumanyikwa na Zina la Yesu Khristu. Ndi mwaŵi ukuru chomene uwo ine nkhaŵapo nawo, kuyowoya kuti ine ndine gawo la Iyo.

151 Sono ise tikusanga kuti, pamanyuma, iyo wakatora wanthu wanyake, kuti waŵafumbe chakuti iyo wachite. Ndipo iwo wakati, “Usange ichi chikurutirira ngati ntheura, wanakazi wose mu charu watorenge chiyezgerero cha fumukazi.”

152 Nkhumanya, icho ndicho chikuchitika usiku uwu. Ine nkhulaŵiska pa wanakazi wanyake aŵa. Ine nkhubomezga kuti ntha nkhubweteka malingaliro ghinu, ndipo kweni ine nkuchita, ine nkhubomezga nkuchita. U-huh. Mbunenesko. Kuyezganga kuŵa ngati fumukazi uyu, na kadumuliro ka sisi aka kakuwumba mutu. Ine ndiri kuchiwonapo yayi chinthu chantheura mu umoyo wane wose.

153 Dazi linyake kukaŵa mwanakazi wakiza mu sitolo umo ine nkhalindizganga muwoli wane, ndipo mutu wa mwanakazi yura ukaŵa ukuru *mwantheura*, ndipo iyo wakaŵa na penti wa girini musi mu maso ghake. Ine nkhati, “Werera, muzguka. Ine ndiŵenge makora.” Agha ghakaŵa mawonekero ghakofya chomene. Agha ghangamanya kumuwofyani imwe. Kasi ntchichi ichi? Fumukazi. Ndi fumukazi. Ndicho ichi. Ndipo iwo wakatora chiyezgerero kwizira mu icho.

154 Ndipo rekani ine ndiyowoye ichi sono. Ine ntha nanguyowoya ichi mwakusekapo waka, kweni mu ntharika, mwakuti imwe mungamanya kuchiwona. Icho ndi ndendende icho imwe Wakhristu walaria mukuchita ku wanichi aŵa. Unenesko ndendende. Imwe mukwenera kuŵa viyezgerero. Imwe wa Pentekosite imwe mukuyowoya kuti muli na Mzimu Mutuŵa, imwe mukwenera kuti muŵe chiyezgerero ku wa Methodist, na wa Baptist, wa Prezibetere. Ntha ngati fumukazi, kweni ngati Yesu ndimo imwe mukwenera kuti muwonekerenge. Iyo wakumuphalirani imwe *Apa* chakuti muchite, umo mungachitira ichi. Ise tikwenera kurondezga marango Ghake na viyezgerero. Kweni umo ndimo ise tikuchisangira ichi. Estere...

155 Fumukazi iyi, uyu wakapulikira yayi. Uyu wakiza yayi; wakamuyuyura iyo. Wakati, “Usange—usange fumukazi iyi ya

charu yikupanga chiyezgerero ngati icho, wânakazi wanyake wose wachitenge ichi. Ntheura pamanyuma para mwanarumi wakuchemeska muwoli wake, muwoli mbwenu wakuti, ‘Ruta ukanjire mu mronga.’” Mukuwona? Mnyamata, iyo wakaroskera nadi za America, wakachita yayi iyo? Sono, ise tikusanga kuti, mu kuchita ntheura, ntheura kukaŵa mwanarumi uyo wakaŵa na vinjeru kukhwaskana na iyo, wakiza ndipo wakadumbirana na fumu. Iyo wakati, “Chinthu chakuti muchite ndi kumureka mwanakazi. Ndipo tumani uthenga mu charu, ndipo chemani wamwali wose awo wâliko, wamwali wânichi, ndipo kula jisankhireni mwaŵene muwoli.”

¹⁵⁶ Ichi chikayikondwereska fumu. Ntheura iyo wakatuma, ndipo iyo wakatuma wantchito wakunozga vipinda, na vinyake ntheura, awo wakaruta kuti—kuti wakatore wamwali wose wânichi awo wangaŵasanga, wânakazi wakutowa mu maufumu ghose na vigaŵa ivyo iyo wakalamuliranga, ivyo vikaŵa vikuru chomene mu charu.

¹⁵⁷ Ndipo para iyo wakati wachita, ichi chikafika kwa msungwana muchoko uyu Muyuda. Iyo wakaŵa ngati wakukanika nthena, chifukwa, ngati Wamitundu, imwe wonani, iyo wakaponyeka ku lwandi limoza. Ndipo iyo wakaŵavye dada na mama. Ndipo Modekayi, sibweni wake wakamuleranga iyo. Ndipo iyo wakenera kuti warute, kuti wakayime nawo.

¹⁵⁸ Ndipo ntheura icho iwo wakachita, iwo wakaŵatora wâsungwana aŵa kuti wakatozgeke pa myezi yinandi. Iwo wakenera kuti wawathire vyakununkhira na kuchita mitundu yose ya kuŵatoweska, na kuŵanozga iwo, mwakuti iwo wângamanya kuruta panthazi pa fumu.

¹⁵⁹ Sono, pafupifupi umo ndimo charu chikukhumba kuti chiwunozgere mpingo muhanyauno. Kuwutoweska uwu na vya charu; kuwulinganizga na vinthu vya charu; kuyezganga kuti wasange mamembara ghanandi, kuzomerezganga chirichose mu wenenawene wawo. Mwe! Ndi chinthu chachitima. Bungwe limoza kuyezganga kuruska limoza linyake, kutoranga waliyose kuŵa membara. Imwe mungamanya kuwâzomerezga iwo mu bungwe ili, kweni iwo wânjirenge yayi mu wenenawene wa Khristu kufikira kuti iwo wâtozgeka ndipo wâbabikaso na Mzimu wa Chiuta. Uwo mbunenesko. Iwo panyake wangaŵa na zina lawo pa buku apa, kweni ntha kuchanya Kula, pa Buku la Mwanamberere Wamoyo, mpaka ili lilembeke na Ndopa za Fumu Yesu.

¹⁶⁰ Wânakazi wose, iwo wakajitozga iwoŵene palipose, kuti wawoneke makora. Ndipo, o, ine nkhumanya kulingalira kuti iwo wakapanga mawonekero ghanyake pa iwo, panyake kuyana na fumukazi na wanyake ntheura. Iwo wakajitoweska iwoŵene chifukwa wakarutanga kukawonekera panthazi pa fumu.

¹⁶¹ Ine nkhughanaghana kuti icho pafupifupi ndicho chikuchitika na mipingo yithu muhanyauno. Iwo wose wákuyezga kujinozga iwoŵene, mwa vyacharu, kuŵa na vyakusekereska vya charu, vinthu vya charu mu iyi, kuchitanga vinthu ivyo ndi vya charu, kulumikizana na charu, kughanaghana kuti iwo wákumanenge na Fumu. Chiuta walije ntchito na icho. Iyo wakutinkha icho. Kweni ise tikukhumba kuchita ngati charu.

¹⁶² Mipingo yithu yinyake, ine ndiri kuyowoya, yikukhizgira pasi mphiringizgo, kusankhramo madikoni, na wányake nthura, mu mpingo, ndipo nyengo zinyake wáliska, awo wáli kutorapo kanayi panji kankhonde, ndipo—ndipo wányake wa iwo awo wákukhweŵa ndudu. Wákuti, “Iwo—iwo wázamureka ichi. Iwo wáwenge makora.” Mukutora munthu kufuma ku malo ghakumwera moŵa usiku umoza, ndipo mukumuŵika iyo pa gome usiku wakurondezgako. Ine nkhugomezga yayi mu chinthu chantheura. Ine nkhugomezga kuti munthu wakwenera kuti wasimikizgirike, uwo mbunenesko, wasimikizgirike. Ine nkhumuphalirani imwe, nyengo zinandi ise tikuchema . . .

¹⁶³ Ine nkhugomezga mu ubapatizo wa Mzimu Mutuŵa. Ine nkhugomezga mu kuyowoyanga malilime, kweni ine nkughanaghana kuti ise tikulimbikira chomene pa icho. Mwanarumi wangamanya kuyowoya malilime, ndipo mwanakazi wangayowoya malilime, ndipo usange umoyo wa mwanakazi na umoyo wa mwanarumi ntha vikulingana na malilime agho imwe mukuyowoya, nthura ili ndi lilime lwakwanangika, chifukwa Mzimu Mutuŵa wamupangeninge imwe kuchita ngati Baibolo. Uwu umutorereninge imwe ku uzari wose wa msinkhu wa Khristu.

¹⁶⁴ Imwe mutore munthu uyo wakuyowoya malilime, wali na ukali wakukwanira kuti wangatimbana na chakuchekera mathabwa, ndipo wakuyowoya za wázengezani, na chirichose ngati nthura. Chifukwa, imwe mukuchema uwo Mzimu Mutuŵa? Uwu ungaŵa yayi. Yayi, bwana.

¹⁶⁵ Mzimu Mutuŵa ndi kufwasa, chimwemwe, mtende, kuzizipizga kukuru, uweme, kujikora, chizizipizgo, chipulikano. Mzimu Mutuŵa, icho ndi chipambi cha Mzimu, icho Mzimu Mutuŵa ukupambika mu Mpingo wa Chiuta wamoyo, uweme, na kujikhizga, kujiyuyura, chitemwa kwa yumoza na munyake, kuzizipizga kukuru.

¹⁶⁶ Usange m’bale wananga, ntha mungamutchayanga waka iyo panji chinthu chinyake. Rutani kwa iyo ndipo muwone usange imwe mungamuwezgako iyo. Ntha mungalindizganga mupharazgi kuti wachite ichi. Imwe chitani ichi, panji munthu munyake. Mupharazgi wangachita yayi vyose, nesi madikoni. Waliyose, ndi membara wa Thupi ili la Khristu, wakwenera kuti wamupenje yumoza na munyake. Ise tiri. . . Ndipo usange ise tiri

na Mzimu wa Khristu mwa ise. . . Iyo wakasambizga ntharika yikuru. Iwo wakareka nayinte na nayini, ndipo wakaruta kukapenja yimoza yira. Icho ndicho ise tikwenera kuchita. Kweni ise tikuti, “O, rekani iwo warute.” Ise tingachitanga icho yayi. Ise tikwenera kuwa wakujikora, wakugowokera, wakuzizipizga kukuru. Icho ndi chipambi cha Mzimu.

¹⁶⁷ Sono, ise tikujisanga taŵene pamanyuma, Estere yura, para iyo. . . Iwo wakamuwika iyo mu ghamoza gha malo agha, kuti wajinozge iyomwene, kuti wakajiwoneske panthazi pa fumu. Mwe! Iyo wakachikana ichi. Iyo wakachikhumba yayi ichi. Iyo wakakhumbanga kuti warute ngati ndiumo iyo wakaŵira. Amen.

¹⁶⁸ Ise tiri nayo muhanyauno mipingo yira iyo yikukhumba kuchita ngati charu, panji chifukwa chakuti ise tafika pa kujikwezga. Chiuta wakati, “Nyengo yimoza iyo wakaŵa mwanichi, iwo wakamutumikira Iyo. Kweni para iyo wakati wakura, nthaura iwo wakamuruwa Iyo.” Uwo mbunenesko.

¹⁶⁹ Para ise tikaŵa na piano wa chibekete kuno pa nthowa kumalo kunyake, na tamborini, kutchayiskanga uyu kuseri kwa mawoko ghithu; na gitala lakale, kulizga ili; na kuwanga na ungoro pa msewu, imwe mukaŵa wakujikhizga. Kweni para ise tafika pa kuwa na nyumba za madola mamiliyoni ghatatu panji ghanayi, na vinthu vikuru ngati nthaura, nthaura ise tikuwa wamtatu chomene ise tikuruwako za icho, uwo mbunenesko, taphakara charu.

¹⁷⁰ Ine nkharuta ku malo dazi linyake uko, m'bale mutuwa, kukaŵa gulu la wanthu likamugwiriranga ntchito iyo. Ndipo usange mwanakazi waliyose wafika kula pa nyengo ya coffee, kuti wazakamwe coffee pa nyengo ya kupumula, mwanakazi waliyose mwenemula wakaŵa na sisi lifupi ndipo wakapenta milomo. Sono, imwe mukuti, “M'bale Branham, iwe ulije chakuchita kuyowoyanga icho.” Ine ndiri nacho. Baibolo likuyowoya icho. Uwo mbunenesko.

¹⁷¹ Wanakazi wanandi wa Pentekosite wakuvwara malaya agho nga chanarumi, ndipo Chiuta wakati ndi ukazuzi mu maso Ghake. Uwo mbunenesko. Kasi imwe mugomezenge uli kuti mukuruta Kuchanya ngati nthaura? Ichi chikuwoneska kuti Mzimu Mutuwa mulije mula. Usange Mzimu Mutuwa ukawengemo mula, Uwu mbwenu ukusukenge iwe. Mbunenesko. O, iwe panyake ungachemerezga, ungayowoya malilime, ungachimbira kukwera-na-kukhira, ungavina mu mzimu. Ine ndiri kuwawona wa Hindu wakuchita icho, na Wamwenye, na chinyake chirichose. Icho nthu chikung'anamura kalikose, pekhapekha muli umoyo kuti ukhozgere icho iwe ukuyowoya, nkhangono ya Mzimu Mutuwa, kuti upange wanthu wakukhala umoyo wauchiuta. Uyo ndi Mkwatibwi wa Khristu.

172 Estere wakati waŵenge mkwatibwi, ntheura iyo wakakhumba yayi chirichose vyakujitoweskerera vya charu. Iyo wakakhumbanga kuti wakanjire, kwa fumu, umo iyo wakaŵira. Iyo wakajitoweska iyomwene ngati ndiumo ŵanakazi ŵa chipentekosite ŵakwenera kuchitira, na mzimu wakujikhizga. Ndipo para wose ŵakujitoweska aŵa, mafumukazi ghakati ghafika, na maviniro ghawo ghose ghasono, fumu yikaŵalaŵiska iwo, ndipo ŵakaŵaŵika mu chipinda na ŵanakazi ŵamuseri. Kweni para Estere uyu wakati wafika mu maso ghake, ndipo iyo wakauwona uweme ula, wakujikhizga, mzimu wakufwasa, iyo wakati, “Yura ndiyo. Ruta ukatore mphumphu ndipo ukaŵike pa mutu wake.” Ndicho ichi.

173 Ŵarekani iwo ŵajitoweske iwoŵene na mtundu ula wa mzimu, nthā ŵanakazi pera, kweni ŵanarumi, nawoso, ŵakujitoweska iwoŵene na mtundu ula wa mzimu. Ntheura imwe mukunozgekerera kuti muŵenge—Mkwatibwi, muweme, wantchindi. Estere wakatozga mtima wake.

174 Kuli vinandi chomene ivyo ise tikupwererera, chakuwaro ichi, o, ili likwenera kuti liŵe na vinandi chomene vyakufumiskirapo mankhwanda, na vinandi chomene vya *ili*, kuti—kuti muchite ichi.

175 Kuno nyengo yinyake kale, ine nkhayimirira mu—nyumba yakusungiramo vyakale mu Tennessee. Ine nkhamumpha kufupi na malo ghachoko, ndipo agha ghakawoneska kafukufuku wa thupi la munthu. Agha ghakati munthu uyo sikelo wakaŵa sikisite kilogiramuzi, mu vyakupangira wakaŵa pa mtengo wa eyite-foru cents. Sono, iwe ndiwe munyake, ndiwe yayi iwe, twente-fayivi kwacha? Ndipo ŵanakazi ŵanyake, ŵanakazi ŵa Chipentekosite, ŵavwarenge chikhoti chaweya cha fayi-handiredi dolazi na kunyamuska mutu wawo muchanya, usange kukarokwa vura, iyi mbwenu yiŵazumbwiskenge iwo, ndipo iwo nthā ŵakukwana nanga ndi twente-fayivi kwacha, uwo mbunenesko, vyakupangira. Uwo ndi unenesko, nthabwara yayi. Uwo ndi unenesko. Twente-fayivi kwacha, pafupifupi layimu wakukwana kupentera chitupa cha nkhuu, na kasiyamu pachoko na vinyake ntheura. Twente-fayivi kwacha, imwe muchiwoneseske mwatcheru chomene icho.

176 Imwe mwaruta ku resitoranti ndipo mukusanga . . . mwatora mbale ya msuzi ndipo mula muli duŵeluŵe mu iyi, imwe mbwenu muyitorerenge ku khoti resitoranti.

177 Kweni imwe mukumuzomerezga devulu wanjizge ma television ghakazuzi ghakale na makadi mkati ku singo linu, ndipo mukumiza ichi; wakumupangani imwe kuvwara malaya ghakale ghakazuzi, ŵanakazi aŵa, malaya ghachoko agha ghakuthina ngati soseji, ndipo mukwenda kuwaro uku pa msewu ngati ntheura. Ndipo iwe ukumanya, mlongosi wane,

ine nthā nkhuoyowoya icho mwanthabwara. Iwe ukunipulikiska yayi ine.

¹⁷⁸ Tegherezani. Ine nkhuoyowoya ichi. Iwe ukuchita ngati nthaura, ndipo pa Dazi la Cheruzgo iwe wamkuwērengeka ngati muzaghali. Mbunenesko. Yesu wakati, “Waliyose uyo walaŵiska mwanakazi na kumukhumbira iyo wachita chigololo na iyo mu mtima wake.” Ndipo para wakwananga yura wakwenera kuti wakazgore chifukwa cha kuchita chigoloro, kasi wapangiska ndinjani? Iwe. Ndinjani wapangiska ichi? Iwe. Uwo mbunenesko. Usange iwe wajiŵika wamwene kuwaro kula, kuti uwoneke panthazi pa ŵanarumi, kuŵa ngati charu na kuvwara ngati charu.

¹⁷⁹ Ine nkhuoyowoya icho nyengo yimoza, ndipo mwanakazi, mu Louisville, Kentucky, iyo wakati, “Enya, pulika kuno, Mr. Branham. Ine ndikupangenge iwe kuti upulikiske sono nthena!”

Ine nkhati, “Enya, mama?”

Iyo wakati, “Uwo ndi mtundu wekha pera wa madiresi iwo ŵakupanga.”

Ine nkhati, “Iwo ŵakupanga makina ghakusokera ndipo ŵakuguriska salu.”

¹⁸⁰ Ndi chifukwa chakuti iwe ukukhumba kuchita. Muli chinyake chakwanangika mwa iwe. Uwo mbunenesko ndendende. Imwe mukuchita ichi nthā chifukwa chakuti iyi ndi fashoni. Imwe mukuchita ichi nthā chifukwa chakuti imwe mukwenera kuchita. Imwe mukuchita ichi chifukwa imwe mukukhumba kuchita.

¹⁸¹ Imwe mukukhweŵa chifukwa imwe mukukhumba kuchita. Imwe nthā mukwenera kuchita. Ine nkhuhanaghana kuti chinthu chauchindere chomene icho ine ndiri kuchiwonapo wakaŵa mwanakazi wakwenda mu msewu, ngati ndiumo imwe mukuwenera waliyose, wakutchika galimoto, wali na ndudu zira pakatikati pa njoŵe zawo. Chifukwa, ichi ntchasoni. Uyo ndi munthu muhene chomene wakuzomerezga murwani uyo ise tiri nayo mu charu, para madokotala na ŵachipatala ŵakuti uyu ngwakuzura na kansa na chinyake chirichose. Ndipo iwo ŵakukhweŵa uyu, nyengo yose.

¹⁸² Muwoneni mwanakazi, wakwenera kuti waŵe Mukhristu, wakhala uko mumphepete mwa nyanja, kugezanga pamoza na ŵanarumi, wawwara malaya ghakugezera, wayimilira uko. Ine ndiri na ŵasungwana ŵaŵiri. Ine nthā nkhuoyowoya kuti iwo ŵangachita yayi ichi. Iwo ŵakuyowoya kuti iwo ŵakupokera kuŵawurika na zuŵa. Iwo ŵaŵawurikenge ngati mwana usange ine ndiri wamoyo. Uyu waŵenge mwana wa *uyu*. Mukuwona? Uyu waŵenge mwana wa Mr. Branham, na thabwa litali pafupifupi ngati *ntheura*. Ine nkhuomezga uku ndi kwananga.

183 Ntheura ise tikujichema taŵene, “O, ise ndise membara wa mpingo wa Pentekosite.” O, soni kwa imwe! Mbunenesko. Mpingo wa Pentekosite ukukhumbika kutozgeka, ulendo wose kufuma kunthazi kufika kumanyuma, na kwenda mu chipinda chakusungiramo, na m’chipinda cha kuchezgera, na vipinda vya muchanya. Uwo mbunenesko. Ndipo kweni, mu chose ichi, ndi chiweme chomene icho ise tiri nacho. Kweni ichi chingamanya . . .

184 Ngati mu nyengo yakusintha na mu nyengo ya Joan wa ku Arc, France wakakhumbikanga kusinthika, ntheura iwo ŵakukhumbika munthu wakudangilira kusintha kuti wanyoroske vinthu vinyake ivyo iwo ŵakawukiranga.

185 Ndipo mpingo wa Pentekosite ukukhumbika kusinthika. Mbunenesko. Nadi ukukhumbika. Kuwukira kususka vinthu ivyo ndi vyakwanangika, na kuzomera vinthu ivyo ndi viweme, amen, ubapatizo wafureshi wa Mzimu Mutuŵa: “Mpingo kuti ujipange Iwowene wakunozgeka!”

186 Kumbukirani, ichi chizamuchitika yayi. . . Imwe mungayowoya yayi, “Enya, sono, ine ndiri mu *uwu*, wa Assemblies. Ine ndiri mu Foursquare, panji Mpingo wa Chiuta, panji wa Zina la Yesu,” panji—panji unyake uliwise wa iyo. Yayi! Imwe munganjira yayi mu uliwise wa iyo.

187 Chiuta wakukuchema iwe ngati munthu pawekha. Ndipo ndi iwe uyo wakwenera kuti watozgeke, chifukwa, “Iyo wakutora ŵanthu kufuma pa Ŵamitundu, chifukwa cha Zina Lake, Mkwatibwi Wake, Wamitundu.”

188 Estere wakajitozga iyomwene. Iyo wakatozga mtima wake. Ndicho iyo wakatozga. Icho ndicho mpingo ukukhumbika: kutozga mtima.

“Kasi iwe ukutozga uli mtima wako, M’bale Branham?”

189 “Kuchapika na maji gha Mazgu,’ kwizira mu Ndopa za Yesu Khristu.”

190 Baiblo likayowoya kuti ndi kwananga ku mwanakazi kuti wachitenge ntheura, na kuti ŵanarumi ŵaŵazomerezgege iwo kuchita ichi. Icho ndi mose mwaŵiri. Mwanarumi uyo wazomerezgege mwanakazi wake kuti warute kuwara mu msewu wali nkhuuli, wavwara malaya ngati ntheura, ine ndiri na ntchindi zichoko kwa iyo pakuŵa mwanarumi. Iyo ndi chidole. Uwo mbunenesko. Mwanakazi wakumugwiriska ntchito mwanarumi ngati chakuchapira mbale. Soni kwa imwe. Imwe mukwenera kuŵa ŵanarumi.

191 Ndipo mliska wazomerezgege mpingo wake kuchitanga vinthu ngati ivyo, kwambura kufumiskapo uheni pa uwu kufumira pa gome. Iyo ndi mwanakazi. Icho ise tikukhumba ndi ŵanarumi, Ivangeli, nthana na magulovu gha mphira, kweni na nkhangono na chiwoneskero cha Mzimu Mutuŵa, na

Mazgu. Baibolo likuyowoya kuti vinthu ivi ndi kwananga. Ndi kwananga kuti wanthu wachitenge nthaura, kuchita mwantheura. Uwu ukwenera kuti upharazgike, na kuukhala umoyo, ndipo kulikose. Panji, mpingo ukukhumbika kutozgeka, kuchapika.

¹⁹² Estere wakatozga mtima wake panthazi pa Chiuta, wakayenda na mzimu wakufwasa na wakujikhizga; Mpingo ula uwenge Mkwatibwi wa Khristu. Sono, kumbukirani, Estere wakakana kujitoweska kwa charu. Iyo wakaŵika Mzimu mu mtima wake, kuti warute panthazi pa fumu.

¹⁹³ Ndipo mwanakazi muhanyauno, mpingo uwo ukughanaghana kuti uwu unjirenge chifukwa uli na wanthu wnanandi, uwu uli na gulu la wakuwara makora chomene, uwu uli na bungwe likuru chomene, tchalitchi likuru chomene mu msumba, na vinthu ngati ivyo, imwe muphonyenge ichi mamiliyoni kilomitazi usange imwe mukugomezga pa icho.

¹⁹⁴ Ndi uweme, wachisungusungu, mzimu wantchindi ku Mazgu gha Chiuta, “wakuchapika na maji gha Mazgu,” ndipo Mazgu mwa imwe. Agha ghakuchapa. Amen. Mpingo ukukhumbika kuchapika, kuchapika na Ivangeli lathunthu. Uwo mbunenesko. Ntha kuchapika waka kulwandi, kweni kuchapika na Ivangeli lathunthu, kutozgeka, “kuzgoka vilengiwa viphya mwa Khristu Yesu.”

¹⁹⁵ Mkwatibwi wa Yesu ndi mkwatibwi wakubinkha yayi. Iyo wangaŵa yayi na Wake wakubinkha, Mkwatibwi.

¹⁹⁶ Usange mwanakazi wafika pakuti wanjirenge mu nthengwa, ndipo iyo wakawoneka ngati kuti iyo wafumira mu chitupa cha nkumba kuwaro kula; mwanarumi uyo wali na ntchindi zakwanerera za mwanarumi, wangamutora yayi iyo. Iyo mbwenu wamupangenge iyo kuti wajitozge iyomwene.

¹⁹⁷ Ndipo para mpingo wa Khristu wafika kuti unjirenge mu nthengwa, kughanaghana kuti uwu ukuruta mu Mkwatibwi, na vyacharu vyose kubatikika pa uwu, Mkwatibwi wa Khristu ntha waŵenge ngati nthaura. Yayi, bwana.

Ine nkhuynera kuti nifulumire.

¹⁹⁸ Nesi ndi Mpingo wa Khristu, wa Fumu Yesu Khristu, Mpingo ula ntha ndi Mpingo wavizwazwa, yayi, uli na vizwazwa vya mabungwe. Uwu ntha ukwenera kuŵa membara wa bungwe linyake likuru. Uwu ukwenera kuti uchapike na Ndopa, kugurika na Ndopa. Ntha kuyowoyanga kuti ise tiri mu mpingo ukuru chomene, bungwe likuru chomene, panji *ichi*, *icho*, panji *chinyake*. Uwu kwenera kuŵa utuŵa, wakutuŵiskika, utuŵa, wambura banga panji khwinya, wakuchapika na Ndopa za iyo—Muponoski wake, Yesu Khristu.

¹⁹⁹ Ngati Estere, Mwanarumi wakubisika mu mtima, Mwanarumi wakubisika, Mzimu wakufwasa na wakujikora

wa Chiuta, mu mtima wa munthu; ntha uchindami na gulu la charu.

²⁰⁰ Ine nyengo zose ndiri kuyowoya kuti charu chikunyezimira; Ivangeli likugolera. O, vikutalikirana mamiliyoni kilomitazi. Hollywood wakunyezimira; Mpingo wa Khristu ukugolera na chitemwa, na kufwasa, na uweme, chisungusungu. Uwo mbunenesko.

²⁰¹ Estere wakakhumba yayi kujitozga iyomwene na vyakuvwara vyose vyasono vya charu. Yura ntha wangawoneka ngati muwoli wa fumu.

²⁰² Ndipo kasi ise, tikukhumba kuwa ngati charu, ndipo kasi yura wangawoneka ngati Muwoli wa Mwanarumi Mutuwa? Ise, ngati Mpingo wa Chiuta wamoyo, tikujitozga taŵene na vinthu vya charu, ndipo pamanyuma tiwoneke ngati Muwoli wa Mwanarumi Mutuwa? Kasi yura wangawoneka wachilengedwe?

²⁰³ Usange imwe mukuwona mwanarumi muhanyauno, uyo wakwenera kuwa mwanarumi mutuwa; apa wakwiza muwoli wake, ngati fumukazi, yimoza ya masitayelo ghakuru ghara ghakametero ka sisi ngati *ntheura*; ndipo vinthu viswesi kulwandi limoza, na vinthu vya girini kulwandi linyake, ndipo—ndipo wakuwoneka ngati kuti watimbika pa mlomo wake na burashi la kupentera; mitundu yose iyi ya vinthu ngati *ntheura*, kwendanga wakukhira na msewu, mu malaya ghachoko ghakufyenya ngati *ntheura*; ndipo vikandiro kutali kufika *umo*, kujigwenyuranga pakwenda, kwendanga mwakunyada pa msewu; ndipo mukuti, “Uyo ndi muwoli wa mwanarumi mutuwa”? Ine nkhuwoya ntabwara yayi. Ine nkhopanga waka fundo.

²⁰⁴ Ine nkhiba ku umoza wa maungano ghithu ghakuru gha Chipentekosite, kuno ntha kale chomene. Ine nkhaijinta hema. Ndipo mliska wakayowoya kwa ine, wakati, “Muwoli wane ndi wakwimba piano.”

Ine nkhati, “Icho ntchiweme, m’bale.”

“Kasi iwe ungazomerezga kuti iyo wayimbe?”

Ine nkhati, “Yayi. Yayi, bwana. Ine nadi ningakana yayi.”

²⁰⁵ Ndipo iyo wakaruta kwa manejara. Manejara wakati, M’bale Baxter, wakati, “Icho chiri makora.”

²⁰⁶ Iyo wakati, “M’bale Branham, zanga kuno. Ine nkukhumba kuti umuwone muwoli wane.” Ndipo ine nkharuta kula.

²⁰⁷ Chonde mundigowokere ine. Mukuwona? Ine ntha nkhuwezga, kutipanga ise—ndemanga. Ine nkhuwezga kuyowoya fundo. Mukuwona?

²⁰⁸ Ndipo mwanakazi wakaŵa na vimoza vya vyakuphaka ivi kuno. Ine nkhumanya yayi. Vinthu vira, imwe mukumanya, walipanga lose ili, ndipo ine nkchachiwonapo yayi chantheura

mu umoyo wane; ndipo diresi ilo likaŵa lakukhira chomene kufika musu *uku*, lambura msana mu ili, ndipo likaŵavye pitikoti mu ili. Ndipo ine—ine nkhaŵa nindaghawonepo mawonekero ghantheura mu umoyo wane. Ndipo iyo wakaŵa na ndolora zikuru chomene kulenderanga ngati *ntheura*, ndipo wakajiphaka vinthu vinandi chomene.

²⁰⁹ Ndipo ine nkhalawiska zingirizge. Ine nkhanghanaghana, “O, ine!” Ine ndine wa Baptist, ndipo ine nkhumanya makora kuruska icho. Ine nkhalawiskakoso. Ine nkhati . . .

²¹⁰ Sono, chonde, iyi ndi nthabwara yayi. Kweni ine nkhayenera kuti ndiyowoye ichi kwa m’bale, ndipo ine nkhumomezga ichi chikamovwira iyo. Ntha nkhuwoyoya ichi kuŵa wapadera; usange ine nkachita, ine nkhaŵa mupusikizgi, wonani, nkhumumbika kutozgeka, ndamwene.

Ine nkhati, “Bwana, kasi iwe wanguyowoya kuti muwoli wako wakaŵa wakwimba piyano?”

Wakati, “O, enya.”

²¹¹ Ine nkhati, “Iyo wakuwoneka ngati muzguka, kwa ine.” Ine nkhati, “Ine—ine ndiri kughawonapo yayi mawonekero ghantheura mu umoyo wane, ngati muwoli wa mupharazgi. Uyo ntha wakuwoneka ngati muwoli wa mwanarumi mutuŵa.”

²¹² Ndipo nesi ukuchita mpingo wa Chiuta wamoyo, kugomezganga pa mafashoni ghake, maphwando ghake gha tiyi, na maphwando gha bunco, na maseŵero gha makadi, na madansi, na vyangurusko, kujitoweskanga iwowene ngati ntheura, na charu, kuwoneka ngati Mkwatibwi wa Chiuta Mutuŵa. Para uyu ukukhweŵa ndudu, na madansi, na maphwando, na maphwando gha musuzi, na kumwanga moŵa, na vyose ngati ntheura, na kuyowoya kuti iwo ndi Mkwatibwi wa Khristu? Ntha ukuwoneka ngati Muwoli wa Mwanarumi Mutuŵa, kwa ine. Yayi, bwana. Iyo wangasankha yayi chinthu chantheura. Iyo mbwenu watorenge mwanakazi uyo wakaŵa muweme, wakuwoneka ngati ndi icho Iyo wakayezganga kuwoneska. Ine nkhumomezga uwo mbunenesko. Icho panyake chingapweteka pachoko.

²¹³ Amama ŵane ŵalara ŵali kuruta. Para ine nkhaŵa mnyamata muchoko, ise tikatemwanga kuŵa . . . Tikaŵavye chakuti tiryeyi, yayi, ndipo ise tikaŵa na zgama na chikondamoyo. Ine nkhumanya yayi kwali imwe mukumanya icho ivi viri panji yayi. Ntheura ise tikaŵavye . . . Iwo ŵakaŵavye mafuta chirimika chose, ndipo pafupifupi tikachitanga kutora mumphika wakake ukuru wangati *ntheura*, na kuŵikamo vikumba vya nyama mu uyu. Ise tikarutanga uko iwo ŵakachekeka, panji uko ŵakukoma nyama ŵakadumura nyama na kutipako ise. Ndipo tikayibwatuskanga iyi, kuti tisangeko mafuta, na kuthira agha pa ichi.

214 Pa Chisulo chirichose usiku, amama wakati ise tikakhumbikanga kuti timwenge mafuta gha castor. Ndipo ine—ine nkhutondeka kuzizipizga vinthu vira mpaka sono. Ndipo ine nkhayenera kuti ndimwe ivi. Ine mbwenu nkhezanga kwa iwo, kukora mphuno yane ngati *ntheura*. Ine mbwenu nkhuti, “Amama, ine—ine nimwenge yayi ivi.” Ine nkhati, “Agha ghakundiseruska chomene ine.”

Iwo wakati, “Usange agha ghakukuseruska yayi iwe, agha ghakukuchitirenge chiweme chirichose yayi iwe.”

215 Ntheura ine nkughanaghana kuti umo ndimo kuliri na kupharazganga Ivangeli. Usange ine nthā nkhumuvundurani pachoko imwe, kutora ghinu...kuvundura matumbo ghinu ghauzimu, kumupangani imwe kuseruka pachoko, kuti mujisande mwaŵene na Baibolo: muwone usange ukali wakale ula, na uzukusi, ŵambura uchiuta, ŵakutemwa charu, television, na vinthu na usiku; na kurekanga tchalitchi kukhala lambura ŵanthu, na mipando yambura ŵanthu. Penepapo, imwe mukwenera kuŵa kuwaro kula ngati Yesu, imwe muli na Mzimu Wake mwa imwe, kuyezganga kuti mutore waliyose mu charu kuti wafike ku tchalitchi kwinu, kuti wapokere Khristu. Ndipo ise pamanjuma tikujichema taŵene Mkwatibwi wa Khristu? O, chasoni uli, mubwezi!

216 Nyengo yamara. “Mkwatibwi Wake wajinozgekereska Iyomwene.” O! “Wajinozgekereska Iyomwene.” Iyo wakasezgera kumphepete vinthu vyose ivi. Kumbukirani, Estere wakasankhika, ndipo ŵanyake ŵakakanika. Ndipo ŵekha pera awo mbakubabikaso, awo ŵali na Mzimu wa Chiuta, ndiwo Ŵazamkusanikhika Dazi lira, kuti mphumphu ya uchindami yizamukhalikika pa mutu Wake. Ndipo ŵanyake ŵazamukanika.

217 Rekani ine ndimuphalireni chinyake chichoko icho chikachitika. Ine—ine, ine ndine wamishonare, umo imwe mukumanyira, ntchito ya uneni, ntchito ya ŵamishonare, pafupifupi kankhonde na kaŵiri kusirya kwa nyanja, charu zingirizge. Kuno, nthā kale chomene, mu msumba wa Rome, Rome ndi msumba ukuru wa maluso. Ndipo iwo ŵakaŵa na sukulu ya vya maluso kula, ndipo ŵabale ŵithu ŵanandi ŵanichi ŵa ku America ŵakuruta kwenekula chirimika chirichose, kuti ŵakasambire maluso pa virimika viŵiri, kuti ŵakasambire kujambura vithuzithuzi. Kukaŵa gulu la ŵina America ŵanichi ŵakiza kudera uku, virimika vichoko vyajumphā, umo nkhani yikaphalirikira kwa ine. Ndipo para iwo wakati ŵafika kula, iwo ŵakahangayika chomene. Para iwo ŵali mu Rome, iwo ŵakuchita umo ŵa ku Rome ŵakuchitira: ŵakuruta kuwaro na kumwa, na kujivura iwoŵene, na chinyake chirichose, na kuchitanga viheni, wose ŵanyamata na ŵasungwana.

218 Ndipo kukaŵa sukulu yinyake. Ndipo mu sukulu iyi, ili—gulu ili la ŵina America ŵachinyamata ndiko likiza. Ndipo waliyose wa iwo, pafupifupi, wakachita chinthu chenechira. Kweni msungwana munyake muchoko, iyo wakazomerezga yayi ichi, munthowa yiriyose. Iyo wakakhala mkati. Mu nyengo yausiku, iyo wakaŵazga penepapo wose ŵakaruta kukamwa. Nyengo yamuhanya, iyo wakagwira ntchito, wakasambira. Enya, iyo wakaŵa munthu wakusekeka pa sukulu yose. Ndipo iyo wakajisunga iyomwene ngati dona, wakhajisunga iyomwene ngati dona. Nangauli kukaŵa ŵanyamata ŵanichi ŵa Chiroma na chirichose zingirizge, kuyezganga kumuyowoyeska iyo kuti warute kuwaro, iyo wakakana ichi. Yayi, bwana. Iyo wakakhala nkhanira na visambizgo vyake, kusambiranga kujambura, na kupenta, mphanyiko. Ndipo iyo wakakhala na ichi.

219 Paumaliro, mlonda mulara pa malo wakarutirira kumulaŵiskanga iyo, kuwona kuti iyo wakaŵa wakulekana chomene, nangauli iyo wakaŵa wa Roma Katolika, wakarutirira kumulaŵiskanga iyo, umo iyo wakajisungira iyomwene. Mise ghamoza, msungwana mwanichi, ku malo ghakuchezgera uko—kukaŵa studio, chifukwa, panji malo uko iwo ŵakaŵa na sukulu, iyo wakasezgekapo pa malo, ndipo wakaruta pachanya pa phiri, ndipo zuŵa likatchonanga. Ndipo iyo wakayimirira pachanya apo, na chake chakutowa, chisko chake, ndipo sisi lake kulenderanga musu, kulaŵiskanga kudera *kula* kurazga ku kutchona kwa zuŵa.

220 Mlonda mulara wakasarazganga kusika kula mu luŵaza. Iyo wakarutirira kumulaŵiskanga msungwana, apo iyo wakasarazganga. Chinyake chikarutirira waka kumuphaliranga iyo, “Ruta, ukamuyowoyiske iyo.” Ntheura iyo wakaŵika pasi chakusarazgira chake, wakavura chipewa chake chakale cha khonde, wakaruta kwenekuko dona mwanichi wakaŵa. Wakangwerura chigolomiro chake. Msungwana wakang’anamuka. Mlonda wakati, “Undigowokere ine, msungwana.”

Iyo wakati, “Enya, bwana. Nadi.”

221 Ndipo iyo wakawona kuti msungwana wakakhala wakulira. Ŵanyake wose ŵakaŵa kuti ŵaruta kuwaro ŵakaŵa na nyengo yikuru yakumwa usiku. Mlonda wakati, “Madam, ine nkugomezga kuti iwe undipulikiskenge ine mu nthowa yakwenerera, kuti ine ndikuyowoyiskenge waka iwe.” Wakati, “Iwe uli kuŵa kuno, pafupifupi virimika viŵiri sono. Ndipo ine nkhaliwona gulu ilo iwe ukiza nalo, rutaruta iwo ŵali kuwaro ku maphwando, ndipo ŵakwizanga usiku nyengo zose, ŵaloŵera, ndipo malaya hafu pa iwo, na chirichose. Kweni ine nawona kuti iwe ukurutako yayi ku maphwando ghantheura.” Ndipo wakati, “Ine—ine nkhuwona kuti, mukawonekero, kuti iwe nyengo zose ukulaŵiska kusirya kwa nyanja. Kumise, iwe ukwiza uku, ndipo ukuyimilira apa kumise ghalighose, ndipo

ukuwona zuwa likutchona.” Ndipo wakati, “Kasi, ntchivichi chikukupangiska icho?” Wakati, “Ine ndine munthu mulara. Ndipo ine—ine nakhumbisiska kuti nimanye icho chikukupangiska mphambano iyi pakatikati pa iwe na wanyake.”

²²² Msungwana wakati, “Enya, bwana.” Iyo wakati, “Bwana, ine nkhulaŵiska kwithu para zuwa likutchona.” Iyo wakati, “Kusirya, kuseri kwa zuwa lira kuli charu chakwithu.” Ndipo iyo wakati, “Mu charu chira muli chigaŵa chinyake. Ndipo mu chigaŵa chinyake chira muli msumba unyake. Ndipo mu msumba unyake ula muli nyumba yinyake. Ndipo mu nyumba yira muli mnyamata munyake.” Wakati, “Iyo, nayoso, ndi wakujambula. Para ine nkhati ndafumako, kwiza kuno, ine nkhapangana kuti nimutemwenge iyo. Ise tiri kufikirana yumoza na munyake.”

²²³ Ndipo iyo wakati, “Palije kanthu kwali wanyake wose wakuchita vichi, icho chirije chakuchita na ine.” Iyo wakati, “Ine nkhapangana kukhala muneneska na wakwenerera.” Ndipo iyo wakati, “Ine nkhlulindizga dazi kuti para ine nkhuji pulika ndamwene ndiri pachanya pa mapapindo gha ndege yikuru yira iyo yizamkuditorera ine kusirya kwa nyanja na kukandipereka pasi pa chiwanja cha ndege uko iyo wamkukumana nane. Iyo wakuzenga nyumba, ndipo ise tamukhala pamoza mu charu chira.”

²²⁴ Ndipo wakati, “Ndicho chifukwa ine nkchuchita umo ine nkchuchitira. Ine ndiri muneneska ku phangano ilo ine nkhapangana na mnyamata. Ndipo iyo ndi muneneska ku phangano ilo iyo wakapangana nane.” Wakati, “Ine nkhu pulika kufuma kwa iyo, pafupi na pafupi, ndipo ine nkhumulemba iyo, ndipo,” wakati, “tikulemberana yumoza na munyake. Ise tichali kusungilira vilapo vithu, kulindizganga dazi ilo ise tizamkukumana.”

²²⁵ O, umo icho chingachitira kwa Mukhristu mweneko, kuti wafumeko ku vinthu vya charu. Ndipo dazi linyake, imwe mukuyowoya za kwizanga pa siteji ya sitima, pa mapapindo gha Nkhunda! Iyo wakwizira Mkwatibwi, yumoza mweneuyo ntha wakusewera na charu panji vinthu vya charu. Iyo wachapika mu Ndopa za Mwanamberere. Iyo wapangana Chake—chitemwa Chake kwa Iyo pera. Chitemwa cha charu chiri kuruta ndipo ntchakufwa kwa Iyo. “Ukwati wa Mwanamberere wafika, ndipo Mkwatibwi Wake wajinozgekereska Iyomwene.”

Tiyeni tighanaghane za ichi apo ise tikusindamiska mitu yithu kanyengo waka.

²²⁶ Dazi linyake, apo ine nkhulaŵiska kurazga ku kutchona kwa zuwa, Ine naneso, virimika sate-wanu vyajumpha, nkhapanga phangano kwa Yumoza uyo ine nkhamutemwa, chitemwa chane chose kwa Iyo. Ine nyengo zose ndiri kuyezga kungangamika kwa Iyo na Mazgu Ghake, kulikose ine nkzuruta. Ine nkhumanya

muli wanyake wanandi wakhala muno, wali ngati ntheura, kulindizganga dazi kuti para sitima yakale ya Zion yizamkunjira mu siteji ya sitima, kutora mauzima ghithu na kuruta nase mu Kuwapo kwa Iyo Uyo ise tikumutemwa ndipo wali kupangana kutitemwa ise.

²²⁷ Panji wangaŵamo wanji muno usiku uwu, awo wachali wandapange phangano ilo. Panji wangaŵamo wanji awo wakapanga ndipo wakaswa ili. Usange iwe uli mu kawiro ako usiku uwu, mubwezi, uli iwe uwereko waka usiku uwu na kupangaso phangano lako? Usange iwe undachite, chita ichi. Uli iwe ufike na kupanga ichi usiku uwu? Yowoya, “Fumu Yesu, ine nkhumutemwani Imwe.”

²²⁸ Kumbukira, usange iwe uli kupanga kale kupangana kwako, ndipo uchali kwendezgana na vinthu vya charu, Yesu ntha wazamkuwa na mkwatibwi ngati uyo. Iyo ntha waŵenge na yumoza uyo ndi muzaghali. Chitemwa chako chose chikwenera kuwa kwa Iyo. Ndipo usange iwe ukutemwa vinthu vya charu, na mafashoni gha charu ichi, chomene kuruska umo iwe ukumutemwera Chiuta, ipo iwe undajipange wamwene wakunozgeka.

²²⁹ Kasi munthu yura wali muno usiku uwu, apo ise tiri na mitu yithu yakusindama, ungamanya kukwezga muchanya woko lako, kuti, “M’bale Branham, undirombere ine. Ine nkikhumba kuwa mwantheura umo. Ine—ine nkikhumba kuwa gawo la Mkwatibwi. Ndipo ine nkhumanya kuti nkuchita vinthu ivyo ine ntha nkhuwenera kuchita. Mundirombere ine”? Chiuta wakatumbike iwe, mlongosi wane wa Chimwenye. Chiuta wakatumbike iwe, mlongosi. Na iwe, m’bale wane. Na iwe, m’bale. Walipo munyakeso? Kwezga muchanya woko lako, yowoya, “Mundirombere ine, M’bale Branham. Ine—ine—ine—ine nkhumanya kuti ndiri makora yayi.”

²³⁰ Sono uwe muneneska wamwene. Laŵiska kumanyuma kwa umoyo wako. Iwe ukwenera kuti ulaŵiske kumanyuma pambere undarute kunthazi. Laŵiska icho iwe ukaŵa. Laŵiska icho mzimu uwo iwe uli nawo uwo wakupangiska iwe kuchita. Usange iwe undachite. . . Usange iwe ukuyowoya kuti ndiwe Mukhristu, ndipo kweni uchali kwendezgana na vinthu vya charu, m’bale, mlongosi, kasi iwe uchitenge uli kweni kuwa wachiburumutira usange iwe ukuwona yayi kuti iwe wananga?

²³¹ Munyake wakayowoya dazi linyake, wakati, “M’bale Branham, iwe ukwenera kuti uŵaleke wanthu ngati ntheura.” Wakati, “Wanthu wakukuchema iwe muprofeti.”

Ine nkhati, “Ine ndine muprofeti yayi.”

²³² Wakati, “Kweni wanthu wakughanaghana kuti iwe ndiwe. Iwe ukwenera kuti uwasambizgenge wanakazi aŵa. M’balo mwakuŵaphalira iwo kuti wasungenge sisi litali na mtundu

wakwenerera wa malaya na vinthu ngati ivyo, iwe ukwenera kuti uŵaphalirenge iwo umo ŵangasangira vinthu vyauzimu.”

²³³ Ine nkhati, “Kasi ine ningaŵasambizga uli iwo algebra, penepapo iwo ntha ŵapulikiskenge nanga ndi ma ABC, vya ŵana? Ŵalije nanga ndi ukhaliro wakujighanaghanira kuti ŵajitozge iwoŵene, kujichemanga, ‘Mkwatibwi wa Khristu!’” Ine ntha nkhuwowyoya icho mwakukwiya. Ine nkhuwowyoya icho mu chitemwa chauchiuta.

²³⁴ Umo ine nanguyowoyera mlenji uwu, usange ine nkhumuwonani imwe mukuruta na mronga mu boti, ndipo nkhuwona kuti imwe mwamkufika ku vipopoma, boti lira lamukhora yayi, ine kuchemerezganga kwa imwe na kukokomoka kwa imwe, ine ntha nkhuyezga kumupwetekani imwe. Ine nkhumutemwani imwe. Chifukwa, usange imwe mukuchita yayi, umoyo winu utayikenge.

²³⁵ Kasi walipo yumoza munyake, ŵakwezge mawoko ghawo pambere ise tindarombe? Ine namuwonani imwe, kumanyuma uko. Chiuta wakutumbike iwe, na iwe, iwe. Iwe ukumanya umoyo wako ukukuwoneska kuti iwe wananga. Iwe ukutemwa chomene charu kuruska Chiuta, ipo pali chinyake chakwanangika pamalo ghanyake. Jilaŵiske wamwene. Uko mu vipinda kuwaro uko, kwezga muchanya woko lako, yowoya, “Mundirombere ine, M’bale Branham.” Chiuta wakutumbike iwe. Chiuta. . .Uwo mbunenesko. Mu unenesko wose, ine—ine nkhurumba kugomezgeka.

²³⁶ Ilo ndilo suzgo na mpingo wa Pentekosite muhanyauno. Ise tirije kugomezgeka kweneko kula uko ise kale tikaŵa nako. Ise tilije chikanga kuti—kuti tifike na kuyowoya icho, kuzomerezga kuti ise tananga. Devulu waukora waka chomene mpingo mpaka uwu ukuvivila waka mu mathope gha charu. Kuchita nthaura yayi.

²³⁷ Umoyo wako wamwene ukusimikizgira kuti iwe ulije icho iwe ukuyowoya kuti uli nacho. Ipo ukulekerachi kuvumbura ichi? “Iyo mweneuyo wavumburenge kwananga kwake wagowokerekenge: iyo mweneuyo wakubisa kwananga kwake watukukenge yayi.” Iwe ungabisa yayi ichi. Chiuta wakumanya vyose vya ichi. Ndipo usange iwe ukuwona na kumanya kuti iwe ukukhala umoyo wakwenerera yayi, ipo urekerengechi iwe kuvumbura ichi, na kwiza pakweru na kuzomerezga kuti ichi chimare?

²³⁸ “Zakwananga za ŵanthu ŵanyake zikwenda panthazi pawo; ŵanji zikuŵarondezga.” Rekani zane zirute panthazi. Ndizomerezgeni ine ndiyowoye vyose vya ine sono nthena. Zomerezgani Chiuta wanozge izi. Icho ndicho ise tikwenera kuchita.

²³⁹ Pali pafupifupi mawoko sikisi panji eyiti ghakwera muchanya. Nadi muli ŵanandi kuruska awo mu mpingo

uchoko uwu, usiku uwu, wanthu handiredi panji thu- muno, panji handiredi na fifite. Chiuta wakatumbike iwe, mnyamata mwanichi. Sono, Chiuta wakatumbike iwe, dona. Chiuta wakatumbike iwe, mlongosi. Uwo mbunenesko. Chiuta wakatumbike iwe, mnyamata. Icho ntchiweme.

²⁴⁰ [Pa tepi palije kalikose—Munozgi]...-wanakazi weneko wakadumuranga yayi sisi lawo, kweni iwo wakuchita ichi muhanyauno. Kasi kukachitikachi? Iwo kale ntha wakachitanga...wakaphakanga—wakaphakanga vyakujiphoda. Amama winu wakachita yayi, usange iwo wakaŵa wa pentekosite. Kasi kwachitikachi muhanyauno? Chifukwa iwo wakuvivila mu vinthu vya charu. Ndipo charu chikulaŵiska kwa ise. Ise tikuyowoya kuti ndise Mpingo utuŵa. Kasi suzgo ndi vichi? Ise ntha tikuwoneka ngati Mkwatibwi wa Khristu. Za mwaŵanarumi imwe kuwaro kula, chinthu chenechira. M'bale, soni kwa iwe.

²⁴¹ Wadada Wakuchanya, para ine nkhulaŵiska uko, na kumuchemerani ku guwa munthowa ngati kuti, kumuchenyani, kumususkani, chikuwoneka ngati ndi nkhaza. Kweni mkati mwa ine mukusuluranga ndopa, para ine nkhumanya kuti ise tikusenderera ku umaliro. Maboti ghachokoghachoko agha ghaswekenge, limoza la mazuŵa agha. Nyifwa yiwatimbenge, na kuphupha. Ndipo kasi ndi kalinga ine ndiri kuchemeka kuruta kufupi na iwo, na kuŵapulika iwo wakuti, “O, M'bale Branham, usange ine ningakhalaso wamoyo.” Ntheura, apo iwo wali na nkhongono, Fumu, kuti wanozge ichi!

²⁴² Ine nkhuzezeska chomene. Chiuta, nkhuromba Mzimu Mutuŵa wavumbure ichi ku wanthu, kuti ine nkhuyezga kuŵavwira waka iwo, ntha kuŵakalipira iwo. Kweni, umo Paulos wakayowoyera, wakale! Chiuta, ine nkhuKhumba yayi kuti iwo wapwetekeke, kweni ine nkhuKhumba kuti ndiwapweteke mwakukwanira iwo kuti iwo wawone apo iwo wanangiska.

²⁴³ Ine nkhuromba kuti Imwe muperekenge, usiku uwu, ku wanthu aŵa, awo wakwezga mawoko ghawo, wali na—nanga ndi ntchindi zikuru kuti—kuti wamanya, panthazi pa Chiuta, kuti iwo mbakwananga, ndipo iwo wakukhumba kuti wachite makora. “Penjani, ndipo imwe musangenge. Khung'uskani, ichi chijurikenge.” Kweni usange imwe mukukhung'uska yayi, kasi Iyo wajurenge uli? Imwe mukupenja yayi, kasi imwe musangenge uli?

²⁴⁴ Zomerezgani Mzimu Mutuŵa, Fumu, uŵatorere wanthu aŵa ku kujipereka kwathunthu kwa Chiuta, usiku uwu. Nkhuromba Dada mukuru wa Fumu yithu Yesu Khristu waŵatuŵiske iwo, uzima, thupi, na mzimu, ndipo muŵaŵike iwo mu Thupi la Fumu Yesu Khristu. “Pakuti ukwati wa Mwanamberere uli pafupi, ndipo Mkwatibwi Wake wajinozgekereska Iyomwene.”

O Fumu, nkhuromba uwu uwe usiku wa kunozgekera, pakuti namachero panji lingawa dazi ilo ise panyake tikumanenge na Iyo. Ise tikumanya yayi ora ilo ise tizamuchekera kukakumana na Iyo. Perekani ichi, Fumu.

²⁴⁵ Sono apo ine nkhuromba, ndipo imwe mwasindamiska mitu yinu pasi. Waliyose wa imwe uyo wakwezga woko lake, usange iwe wasimikizga chomene na icho, ndipo iwe nadi ukung'anamura ichi, ndipo iwe ukuchita soni yayi kuti wanthu wamanye kuti iwe wananga! Iwe ukwenera kuti ukayime nawo kula pa Cheruzgo, munthowa yiriyose. Ndipo Chiuta wawika kukhuzika kwakukwanira pa iwe, kuti iwe wamanya kuti wananga.

²⁴⁶ Kuno nyengo yinyake kale, ine nkpharazganga chinyake ngati icho. Ine nkhayowoya kwa dona mwanichi wakayimirira kumanyuma kula. Iyo wakawoneka wakofya, mwana mwanakazi wa mupharazgi. Ndipo iyo wakakumana nane kuwaro kwa tchalitchi, ndipo usange iyo nthu wakandisambwazga yayi ine! Iyo wakati, "Iwe kanthu kaburutu." Muchoko, wachikanga, milomo yakupenta; wawara kabunthu, wadumura sisi. Iyo wakati, "Usange ine nikhumbenge muniyake kuti waniyowoyiske ine za icho, ine nitoreng muniyake uyo waliko na mahara." Wakati, "Ntha ungizanga ku gome la adada wane na kupharazga chinthu ngati icho kamozaso."

²⁴⁷ Ine nkhati, "Iwe ukung'anamura kundiphalira ine kuti, dada wako, mupharazgi muweme wakugomezgeka wa Baptist umo iyo waliri, ndipo wangapharazga yayi kususka icho?"

Iyo wakati, "Iyo wakakulemba ganyu yayi iwe kuti wize kuno..."

Nkhati, "Iyo wakandilemba ganyu yayi ine, munthowa yiriyose. Ine nkhiwa mwakuchita kuchemeka."

Iyo wakati, "Ine nikugowokerenge yayi iwe pa ichi."

²⁴⁸ Ine nkhati, "Icho chiri kwa iwe. Ine nangurondezga waka Ivangeli." Maluwa ghaswesi ghakaputanga kula mu mphepo yichoko. Mwanakazi mwanichi wakutowa.

²⁴⁹ Kanyengo kachoko jumphepo, pakati pajumpha pafupifupi chirimika, ine nkhajumpha mu msumba. Ine nkhwona dona mweneyura wali na masiketi ghake ghakulendera musu, wakukhwea ndudu, wakukhira na msewu. Ine nkhanghanaghana, "Yura ndi muwoli wa M'bale *Wakuti-na-wakuti*, panji, mwana mwanakazi." Ine nkhayambuka msewu, kuwona kuti usange ine ningamufika yayi iyo.

²⁵⁰ Iyo wakalawiska kwa ine, wakukhwea ndudu iyi, wakafumiskira ili kwizira mu mphuno yake. Iyo wakati, "Monire, mupharazgi," matauzgo ghambura uchiuta ku agha, ngati nthaura.

Ine nkhati, "Yewo, yewo!"

Wakati, “Khweŵapo ndudu yane. Uŵe mwanarumi.”

Wakati, “Kasi ukuchita soni yayi wamwene?”

²⁵¹ Iyo wakanjizga woko mu chikwama chake, wakati, “Ipo tora ndudu iyi.”

²⁵² Ine nkhati, “Soni kwa iwe. Soni kwa iwe, kuti ukupereka ndudu kwa muteweti wa Chiuta.”

Iyo wakati, “Ipo panyake iwe umwepo botolo lane.”

Ine nkhati, “Chonde reka kuyowoya ichi.”

²⁵³ Ine nkhamulaŵiska iyo. Ine nkhatondeka kujikora kulira, chifukwa dada wake ndi mwanarumi muweme. Ine nkhamulaŵiska iyo. Ine nkhanghanaghana, “O, mwe! Iyo wakaghanaghana kuti iyo wakaŵa na nyengo yinandi.”

²⁵⁴ Ine nkhayamba kwenda kuruta. Ine nkhatondeka kukanizga masozi kufuma mu maso ghane. Ine nkharutirira kwenda. Iyo wakati, “Lindizga miniti pera.”

Ine nkhati, “Enya, mama?”

²⁵⁵ Iyo wakanirondezga. Ichi pafupifupi chikaŵa chasoni kuyowoyanga kwa iyo pa msewu, ŵanthu kujumphanga kufupi. Iyo wakanirondezga. Iyo wakati, “Iwe ukumanya icho ukandiphalira usiku ula?”

Ine nkhati, “Ine nyengo zose nkhekumbuka.”

²⁵⁶ Wakati, “Ine nkhekumba kuti ndikuphalire, mupharazgi, iwe ukaneneskanga.” Iyo wakati, “Ine nkhekwenyerezga Mzimu Mutuŵa kwa nyengo yaumaliro.” Sono, apa pali ndemanga iyo mwanakazi wakayowoya kwa ine, ndipo ine nkuruwa yayi iyi, malinga ine ndiri wamoyo. Iyo wakati, “Chiuta wakachitanga na ine usiku ula. Kweni,” wakati, “para ine nkhati namukana Iyo nyengo yira, iyi yikaŵa yane yaumaliro.” Wakati, “Mtima wane uli kuŵa unonono chomene; ine nthā nkupwerera vya Chiuta, mpingo, panji chinyake chirichose. Ine nkhutuka adada ŵane, dazi lililose.” Ndipo iyo wakati, “Ine nkhumanya kuwona uzima wa amama ŵane ukuphya mu gehena, ngati ndazi, ndipo nkhasaka ichi.” Kula kukaŵa kukwenyerezganga Mzimu Mutuŵa kwa nyengo yaumaliro. Ghanaghanani za ichi.

²⁵⁷ Tiyeni tirute Kukwithu pa mapapindo gha Nkhunda. Tiyeni tiŵe Mkwatibwi. Yimilirani kufuma pa mpando winu sono, usange imwe mwananga. Zanga kuno. Yimirira apa pa guwa ndipo yowoya, “Ine nakhala nkhanganska. M’bale Branham, ine ndiri na ukali. Panji, ine—ine—ine ndiri kukhala umoyo wambura uchiuta. Ine—ine nthā nkhuenera kuchita vinthu ivi ivyo ine nkuchita. M’bale Branham, ine ndiri kuchita *ichi*, *icho*, panji *chinyake*. Ine ndiri wokususkika za kuyowoyanga utesi. Ine ndiri wokususkika za kwibanga. Ine ndiri wokususkika za chinyake. Ine nthā ndiri kumutumikira Chiuta umo ine nkhuenera kuchitira, ndipo ine nkuchita soni

ndamwene, ndipo ine nkukhumba kuti umoyo wane unozgeka. Undiromberenge yayi ine usiku uwu, M'bale Branham?" Ine ndi wenge wakukondwa kuchita ichi.

²⁵⁸ Usange Chiuta wazgorenge malurombo ghane, kuti wanipulike chifukwa cha warwari, wachiburumutira, na wakukomwa, Iyo nadi wapulikenge lurombo kurombera wakwananga. Kasi imwe mufikenge yayi na kuwa gawo la Mkwatibwi usiku uwu? Ine nkhumuchemani kuti mwize.

²⁵⁹ Yewo, m'bale. Ine nkhirumba chikanga cha mtundu uwo, uyo wayendenge na kuzomerezga kuti wananga. Chiuta wakatumbike iwe, m'bale. Yimirira nkhanira *apa*.

²⁶⁰ Iwe ukung'anamura kundiphalira ine, iwe ungamanya kukwezga woko lako muchanya ndipo ntha kuwa wakusimikizga za ichi? Kasi chachitika ntchichi ku wanthu? M'bale, kasi suzgo ndi vichi? Kasi suzgo ndi vichi na wanthu withu mu nyengo iyi? Iwe ukung'anamura kuti iwe ungakwezga muchanya woko lako, kuti iwe wananga, ndipo pamanyuma ufikenge yayi? Ndipo ukumanya, "Iyo mweneuyo wakumanya kuchita chiweme, ndipo wakuchita yayi ichi, kwa iyo uku ndi kwananga." Kasi iwe ufikenge yayi?

Apo wakwimba piyano, usange iwe ungachita, mlongosi, mwimbi piyano, sumu yichoko waka.

²⁶¹ Ine nkhumuchemani imwe. Ine nkukhumba kuti ndimufumbeni imwe. Kasi mbalinga mu gulu ili wali kuwamo mu maungano para... Imwe mukumanya kuti ine ndine mupharazgi yayi. Ine ndirije masambiro.

²⁶² Chiuta wakatumbike iwe, dona muchoko. Icho chikutorera msungwana mweneko kuchita icho. Kwayara yichoko iyi yikwiza uku, wakatumbike iwe, mlongosi wane. Icho ndi chikanga cheneko. Ine—ine nkhumurumba dona muchoko yura. Chiuta wakatumbike iwe, wakutemweka. Ine ndiri na msungwana muchoko kunyumba, pafupifupi wa msinkhu wako, Rebekah muchoko. Ine nakuwonga iwe. Msungwana muchoko wa Chimwenye? Chiuta wakatumbike iwe, wakutemweka, fumukazi muchoko uyu. Chiuta wa we nawe, wakutemweka. Iwe, mlongosi muchoko, Chiuta wa we nawe. Ndipo wa we nawe, mlongosi.

²⁶³ Sono, lawiskani kuno. Usange madona ghanichi ngati agho, wasungwana wachokowachoko, watechitechi mu njuwi; ndipo napharazga uthenga uwo wawacheka iwo mu vipitika, ndipo apa iwo wakwiza apa, kumanyanga kuti iwo mbakwananga, wayimilira apa panthazi pa gulu kuti wavumbure pakweru. Nadi, nadi imwe wazimayi mwa walara, mwizenge yayi? Zaninge kuno, ndipo yimilirani kudera uku.

Kasi ine ndipenje chisko Chinu;
Chizgani wane wakupwetekeka, mzimu
wakusweka.

Tiyeni tiyimbe iyi.

Ndiponoskeni ine mwa uchizi Winu.

Muponoski, Muponoski,
Pulikani . . .

²⁶⁴ Nadi imwe mwasimikizga mwakukwanira kuti murombe lurombo lakujikhizga, “Ndichemani, Fumu, ndiyezgeni ine, ndipo muwone usange chiripo chinyake chakwanangika na ine.”

Kundijumphirira yayi ine.

Chiuta wakatumbike iwe, mlongosi wakutemweka.

²⁶⁵ Kasi mbalinga mu ungoro uwu wayimirira ndipo wawona, mu gulu, wazimayi, wanarumi, na wose, wakwiza para ine nanguyimilira kuromberanga warwari, ndipo Mzimu Mutuwa wakuwaphalira iwo vinthu vira, vya zakwananga zawo na vinthu, ndipo wakumanya? Kasi mbalinga wa imwe mukumanya uwo mbunenesko? Ukutondeka yayi. Mzimu Mutuwa wakundiphalira ine, Mzimu Mutuwa mweneyura, kuti muli chinyake mkati muno usiku uwu chikumukwenyerezga Iyo. Sono, icho ndi NTHEURA WAKUTI YEHOVA. Sono, mukumanenge nacho ichi apa, panji Kula.

²⁶⁶ Ine nthu ndine munthu wakuchita mwakujijirika. Yayi, bwana. Ine nkhumanya ndendende apo ine ndayimirira, ndipo ine—ine nkhumanya Chiuta. Uwo mbunenesko. Pali wanandi wa imwe mukukhumbika kuti muyimirire nkhanira kuno uko wasungwana wanichi awa wali. Sono, mwizenge yayi imwe? Ine nkhumuchemani imwe. Ine ndimukoserezgeni yayi. Ine nkhumuphalirani waka.

²⁶⁷ Muniyake wakati, “Ine nkhapulikapo yayi kuchemekera ku guwa uko mupharazgi wakachenya gulu, mu vinthu ngati ivyo.”

²⁶⁸ Umo ndimo ichi chikwenera kuti chichitikirenge. Iwe nthu ukwiza pa kupulika nkhanu yinyake yakuswa mtima, mama muniyake kufwanga panji chinthu chinyake. Icho, icho chikwizira mu kujijirika. Mazgu gha Chiuta ndigho imwe mukwizira. Imwe nthu mukwizira munthowa ya kujijirika kunyake. Imwe mukwiza kugomezganga kuti Chiuta ndi Chiuta, ndipo imwe muli mu nyumba ya cheruzgo ya Fumu. Ndipo imwe mukwiza, kuweyereranga mlandu winu.

²⁶⁹ Chiuta wakatumbike iwe, m'bale wane, mlongosi wane. Nkhukhumba kuti ndikoreko chasa chako, kuyowoya kuti ine nkhuwonga kukhuzika kwako kweneko. Dona muchoko, ine nakuwonga iwe. Chiuta wakatumbike iwe. Nkhuromba Iyo wakupe Mzimu wachikanga ula. Wakutumbike iwe, m'bale wane. Chiuta wawe nawe.

²⁷⁰ Kamozaso, pamanyuma ise tijarenge. Uwu panyake tijarenge kwa nyengo yaumaliro, nawoso. Mukuwona? Ine nkhumanya yayi kasi mphauli. Ine nkugomezga ichi chikuchitika yayi. Kweni ichi chingachitika. Mukuwona?

Muponoski . . .

271 Zanga kuno, mlongosi wane. Ine nkhukhumba kuti ndikoreko chasa chako, yewo. Ine nkhuwonga chipulikano icho. Icho ndi chipulikano cheneko.

272 Zanga kuno, m'bale wane. Ine nkhukhumba kuti ndikorane chasa na iwe, nkhanira muno. Ine nkhuwonga kusimikizga kwako. Chiuta wakatumbike iwe.

273 Zanga kuno. Chiuta wakatumbike iwe. Ine nkhuwonga kusimikizga kwako, kuti wapanga mayimiro . . .

. . . kundijumphirira ine.

Muponoski . . .

274 Vichi? “Ukwati wa Mwanamberere wafika, ndipo Mkwatibwi Wake wajinozgekereska Iyomwene.”

. . . kulira kwakujikhizga;

Apo pa . . .

Kundijumphirira yayi ine. (Vichi?)

Ine nkugomezga mu kurumba Kwinu pera,
Kasi ine ndipenje chisko Chinu;
Chizgani wane wakupwetekeka, mzimu
wakusweka, (Uko Mazgu ghacheka.)
Ndiponoskeni ine mwa uchizi Winu.

Muponoski, Muponoski,
Pulikani kwane kwakujikhizga . . .
Apo Imwe mukuchema wanyake,
O, kundijumphirira yayi ine.

275 Kumbukirani, Mzimu Mutuwa ndiwo wangumuchekani imwe mu mtima winu, ndipo imwe mwafika apa. Ghanaghanani waka za malo uko Iyo wacheka, ndipo munthu yura nthu wakhalenge wamoyo wauzereza ula. Iwo nyengo zose wakumbukirenge icho. “Usange mitima yithu yikutisuska yayi ise.” Kweni para iwe wafika na chinyake mu Mazgu gha Chiuta, ndipo iwe ukuchilambalara ichi, iyo nthu ndi Mbewu ya Abraham. Abraham wakasunga phangano la Chiuta mu mtima wake, kwambura kupwerera icho chikiza panji chikaruta.

276 Ine nkhuwonga wose awa wayimirira pa guwa. Lurombo lane kwa imwe, ndakuti Chiuta wapereke kukhumba kwa mtima winu usiku uwu, ndipo wamupangeni imwe wanthu watuwa weneke.

277 Wabale wanyake wanichi awa, uku ndi Wamwenye, Spanish, wa ku Mexico, wose wayimirira zingirizge, wanthu awo wali kuyowoya kuti Mbakhristu, panyake, kwa virimika, kweni wawona kuti uku ndi kwananga. Iwo wakukhumba kuchita makora. “Wakatumbikika ndi iwo weneawo wali na njara na nyota ya urunji, pakuti iwo wazuzgikenge.” Wasuskika,

mbakunozgeka kunozga ichi na Chiuta, kwizira mu maguwa gha moto gha cheruzgo cha Chiuta.

278 Mukwenera kuti mukakumane nacho ichi kumalo kunyake, wabwezi. Imwe mukwenera kuti mukakumane nacho ichi kumalo kunyake, ntheura kumanani nacho ichi pano. Rekani kulindizga mpaka mlenji. Imwe panji mungakomeka usiku uwu, mu ngozi, mukuruta kunyumba.

279 Nkhanira mwasonosono mu ungano, ine nkhawachemera ku guwa, ndipo—ndipo ine nkachema, ngati ndumo kukaŵira mu Ohio. Ndipo usiku ula, ine nkhaŵamamo mu nyumba, ndipo nkhaŵa kuti ndaruta pafupifupi maminiti fifitini. Ine nkhapulika munyake wakuchemerezga, kumphepete kwa msewu. Ine nkhayimirira, nkharuta kudera kula. Galimoto yikachita ngozi, yikaganda yinyake. Ndipo mwanakazi uyo wakakhala kula, wamantha chomene, iyo wakavura mphete yake, iyo wakachita mantha chomene. Iyo wakafwa. Ndipo iyo wakayowoyanga kwa mwana wake mwanakazi, pa msewu kula, uyo wakayendesekanga galimoto. Iwo wakamutorera kula, kunozgekerwa kwa kuchipatala. Ndipo wose wawiri wakwenera kuti wafike ku guwa. Ndipo mwana mwanakazi wakati, “Amama, mazgu ghaumaliro iyo wakayowoya kwa ine pambere galimoto yindachite ngozi, ‘Ine nanguchita kwananga usiku uwu. Ine nkhumanya ine nanguchita.’” Ndipo kula umoyo wake ukachemeka.

O, imwe mukuti, “Icho chingachitika yayi kwa ine.” Ichi panyake. Ichi panyake.

280 Ndipo uli usange Mzimu Mutuŵa wakumususkani yayi imwe na kumuphalirani imwe kuti mwananga? Ntheura iwe urutenge kunjira mu Muyaya ngati ntheura. Ndipo iwe ukumanya, na mtundu ula wa mzimu, iwe ungachita yayi ichi. Bwana, laŵiska kumanyuma mu umoyo wako, wona umo iwe ukakhalira. Ndipo laŵiskani kumanyuma kula ndipo muwone usange uwu nguweme, umoyo wakujikhizga wa Khristu, kukoleranangako na Mazgu Ghake ghoŵe. Usange uli ntheura yayi, ipo zanga unozge ichi. Kuli. . . Chifukwa—ntchifukwa uli mukutora chakubwerekera, penepapo mitambo njakuzura na vitumbiko vya chipentekosite cheneko ivyo vitozgenge mtima winu, vituwiskenge uzima winu? Ndi unenesko yayi uwo?

281 Kasi ndi wapharazgi walinga wali muno usiku uwu? Ine nkhuumba mwaŵabale wanyake imwe kuti mwize kuno na ise. Icho chiri makora, m’bale? Enya. Zanga kuno, muchitenge imwe, miniti pera, wabale? Uwo mbunenesko.

282 Yesu wakayowoya, mu Mazgu Ghake, “Iyo mweneuyo wakupulika Mazgu Ghane, ndipo wakugomezga pa Iyo uyo wakandituma Ine, wali na Umoyo Wamuyirayira; ntha wazamkunjira mu kususkika, kweni wajumphya nyifwa

wafika ku Umoyo.” Yohane Mutuwa 6 wakati, “Ndipo Ine ndizakumuwuska iyo kamozaso pa dazi laumaliro,” chiwuka.

²⁸³ Mwanthu, ise, ise tikwenera kuti tigomezge icho. Ise tikwenera kuchita ichi. Ichi chikwenera kuti chichitike. Ntheura . . . Uku nthu ndi kujijirika. Kujijirika kukwendezgana na ichi, nkhumanya. Uwo mbunenesko. Kweni nkhanu apa njakuti, ndi mtima wakujipereka.

²⁸⁴ Torani waka Mazgu gha Chiuta, ndipo yowoyani, “Chiuta, ine nkhananga. Ine nkhupepiska kuti ine nkachita icho. Imwe mukuwumanya mtima wane. Ine nkhananga. Nkhanira muno pa malo agha, ine nkhuwumbura kwananga kwane. Ndipo kufumira usiku uwu, na kunthazi, ine nijiperekenge kwa Imwe. Ine ndine gawo la Mkwatibwi. Ine nichitengeso yayi *icho*; kuzomerezga yayi ukali wane uninjire kamozaso. Ine ndi—ine nichitenge ngati dona. Ine nichitenge ngati bwana. Ine nichitenge vinthu ivyo Baibolo likuyowoya kuti nichite. Ine ndimutoreninge Imwe sono nkhanira pa Mazgu Ghinu.” Ntheura imwe mukufika pamalo ghanyake.

²⁸⁵ Imwe mukugomezga icho, wapharazgi wa Ivangeli? Ndi Unenesko uwo? Uwo mbunenesko.

²⁸⁶ Sono, tiyeni tisindamiske mitu yithu mu kuromba sono, waliyose waka wa imwe, mu nthowa yinu mwaŵene.

²⁸⁷ Kumbukirani, nkhanira pafupi na imwe pali Khristu. Kunthazi kwinu, pano pa guwa, payimilira Wakristu wakuromba. Kumanyuma kwinu; wapharazgi wa Ivangeli wakuromba. Sono, icho chikumuwikani imwe mu kawiro ka kuromba.

²⁸⁸ Sono, kuvumbura kwinu, mu mitima yinu, mu nthowa yinu mwaŵene: “Fumu, ine ndananga. Ine nkhupepiska, Fumu, ine nkachita vinthu ivi. Ine sono nkhuwumbura kwananga kwane. Ine nkugomezga pa Imwe. Ine nkhumuzomerani Imwe sono. Ine nkhuumba kuwa gawo la Mkwatibwi. Mu Zina la Yesu ine nkhuromba.”

Sono, sungani kuvumbura kwinu pa mtima winu sono. Sono ine ndimurombereninge imwe.

²⁸⁹ Wadada Wakuchanya, umo chikundikwenyerezgera ine nyengo zinyake para nkhuwona wanthu awo wakunditemwa ine, na kuwona umo Imwe mukughatorera Mazgu na kughapereka Igho kula. Agha ghakuwacheka waka kufika ku mongo wa viwangwa, kweni pamanyuma Imwe mukwiza kuti mukhozgere uwu kuwa Unenesko. Uwu ndi Unenesko.

²⁹⁰ Apa payimirira wanarumi na wanakazi, nanga ndi madona ghachokoghachoko, wasungwana wachokowachoko wayimirira apa na mitu yakusindama, ndipo masozi mu maso ghawo, nkhanira pa mphambano ya umoyo. Ine nkughanaghana uko iwo nthena wangumalira, kusika kula mu kugwenyuka kula,

gwenyu-na-kunkhuru, wákoreka na devulu, gulu la kukoreka na mademone. Iwo wáli apa, wayimilira apa usiku uwu na mitima yakusindama, wakukhumba chinyake icho iwo wangamanya kuwíkapo mawoko ghawo, kuti wayowoye, “Fumu Chiuta, nditozgeni ine ku vinthu vyose vya charu.”

²⁹¹ Apa pali wanarumi wa msinkhu wapakatikati, wanarumi wanichi, wanakazi walara, wanakazi wanichi, wose wayimirira pamoza. Iwo wakuvumbura kuti iwo wananga. Imwe mwanguyowoya ku mtima wawo; iwo nthena wanguwa apa yayi. Ichi chikuwoneska kuti iwo nthena wangunyamuka yayi kufunga mu mipando yawo, kwambura kuti chigamuro chikapangika kale. Mzimu wa Chiuta wanguwa pafupi na iwo, ndipo—ndipo wanguti, “Iwe wananga.”

Ndipo umoyo wawo uchoko wanguti, “Fumu, ipo ine nkukhumba Imwe.”

Ndipo devulu wanguti, “Khala chete.”

²⁹² Kweni Mzimu wa Chiuta wanguti, “Nyamuka.” Ndipo iwo wafika mu kupulikira, ndipo wayimirira apa pa guwa.

²⁹³ Sono, umo ine ndawerezgerapo kwa Imwe Mazgu Ghinu, “Iyo mweneuyo wizenge kwa Ine, Ine munthowa yiriyose ndimutayenge yayi. Nangauli zakwananga zinu zinga wa ziswesi, izi zi wenge zituwa ngati nyathutwe; ziswesi ngati ndopa, zituwa ngati weya. Zanga ndipo ujure kwa Ine, vinyo na mafuta. Uchizi wane ngwakukwanira. Iyo mweneuyo wakupulika Mazgu Ghane, ndipo wakugomezga pa Iyo mweneuyo wakandituma Ine, wali na Umoyo wamuyirayira; ndipo wazamkunjira mu Cheruzgo yayi, kweni wajumpha nyifwa wafika ku Umoyo. Ndipo sono ukwati wa Mwanamberere wafika, ndipo Mkwatibwi wajinozgekereska Iyomwene.”

²⁹⁴ Wadada, iwo Mbinu. Iwo ndi vikho vya Mazgu Ghinu. Iwo wali muno kuti wachapike na maji gha Mazgu, chifukwa ndi Ivangeli lathunthu. Iyi nthanda ndi nyengo yakulekerera. Uwu ukucheka, kuti ufike ku malo gha wana. Uwu ukuzgura misisi, misisi ya ukali, a—a—misisi ya kureka kupwerera, misisi ya charu. Fumiskanimu ivi, Fumu, kwizira mu Mzimu Mutuwa. Vikhale kutali na wanthu awa.

²⁹⁵ Ine nkhuwarombera iwo kwa Imwe usiku uwu, Yesu, ngati chuma Chinu mwa wene, ngati vitoweskeru mu mphumphu Yinu, ngati mamembara gha Mkwatibwi Winu. Ine nkhurombera maumoyo ghawo. Ine nkhuromba na mtima wane wose, na wapharazgi awa, wateweti awa wa Chiuta wamoyo. Ine nkhuromba kuti Imwe mufumisikeko kwa iwo, Fumu, vinthu vya charu, na kuwapa iwo chikanga kuti wayimirire panthazi pa Satana. Perekani ichi, Fumu. Ise tikugomezga kuti Imwe muchitenge ichi. Imwe mukati, “Rombani Wadada chirichose mu Zina Lane, Ine ndichitenge ichi.” Sono, Imwe nthanda mukati, “U,

panyake Ine ndichitenge ichi.” Imwe mukati, “Ine ndichitenge ichi.” Ndipo ine nkhubomezga kuti uwu ndi unesko.

²⁹⁶ Sono, kuli kulembekaso mu Malemba, “Mu Zina Lane iwo wafumiskenge viwanda.” Ndi devulu uyo watorenge dona mwanichi panji mwanakazi, na kunanga umoyo wake. Ndi devulu uyo watorenge mwanarumi na kunanga umoyo wake. Ndipo ine ndiwerezgenge nkhani yichoko iyi, Fumu, mu kuromba kwane. Ndipo ine nkhuromba kuti Imwe mundipulikenge ine, ndipo muzgorenge kuromba kwane, kuti waliyose wa aŵa wapemphererenge usiku uwu kuŵa vitweskerero vya Ufumu. Iwo wafika. Ndipo ine nkhuayenera kuti nkhabzoge pa mazgu ghane usiku uwu. Ndipo apa iwo wafika kuti wayime na ine, na kutora malo githu kufupi kwa Khristu.

²⁹⁷ Sono, Satana, iwe waluzi ichi. Iwe ukawezgera wachoko ŵa iwo kumanyuma, kweni iwe ukawina yayi nkondo. Yesu wakati, “Iyo mweneuyo wakwiza kwa Ine, Ine munthowa yiriyose ndimutayenge yayi.”

²⁹⁸ Satana, ine nkhubuphalira iwe, kuti dazi limoza kukaŵa mnyamata muchoko uyo wakaliskanga mberere za dada wake. Ndipo nk Haramu yikiza ndipo yikakorapo yimoza ya izo, yikaruta nayo, kuyinyamura iyi mwankhaza, ndipo yikarutanga kuti yikarye iyi. Kweni mliska muchoko muneneska uyu, iyo wakaŵavye vinandi kweni regena, kweni iyo wakaŵa na chipulikano mwa Chiuta wamoyo. Iyo wakayirondezga nk Haramu yira, ndipo iyo wakayisanga iyo, ndipo iyo—iyo wakakoma iyi. Iyo yikamurotokera iyo, ndipo iyo wakayikora ku mwembe wake ndipo wakakoma iyi. Iyo wakatora mberere kufuma mu mlomo wake, wakayitorera iyi ku utheka kuti yikapokere machirisko ghake.

²⁹⁹ Iwe wakora mberere zakuzirwa izi za Chiuta, madona agha, agho ukawapangiska kuti wadumure sisi lawo na kuchitanga vyakuphakaphaka, ndipo wakuwoneka ngati vinthu ivyo Baibolo likususka, ndipo iwe ukaghanaghana kuti iwe ukawakora iwo. Kweni ine nkhwiza na regena lichoko ili la lurombo. Ine nkhuwupokeska iwo usiku uwu. Iwe uwasangilirenge yayi iwo munthowa yiriyose. Iwe waluzi nkondo. Wanthu wakutemweka aŵa wayimirira apa, wanamberere ŵa Chiuta, wamasura iwo. Ise tikukulangura iwe, mu Zina la Fumu Yesu Khristu. Ine nkhuwika pakatikati pa vizgoŵezi ivi na maukali, na mauzaghali na chirichose icho chingaŵako, ine nkhuwikapo Ndopa za Yesu Khristu, mwa chipulikano, pakatikati pa iwo na chinthu chira kamosaso. Iwe uwakorengeso yayi iwo munthowa yiriyose. Iwo wali mu munda wa Wadada. Iwo ndi wana Wawe. Wareke iwo. Mu Zina la Yesu Khristu, ine nkukulangura iwe.

³⁰⁰ Kulije devulu mu gehena wangamukhwaskani imwe, usange imwe mugomezgenge icho. Imwe mwabenekerereka na

Ndopa. Imwe mwazingirizgika na lurombo, wapharazgi wa Ivangeli, na mathenga gha phangano, lurombo. Waliyose wa imwe wayimirira apa, zanginge kuno, kumanyanga kuti imwe mukaŵa na vizgoŵezi, vyakwanangika, na vinthu ivyo imwe mukachitanga navyo soni. Usange imwe sono mungaŵika ivi pa guwa la moto wa Chiuta la cheruzgo, ndipo muzomerege ichi sono ngati chigowokero chinu, kuti Khristu wapereka ichi kwa imwe, kasi imwe mupangenge kuzomerezga uko mwa chipulikano, kuti mukwezge woko linu na kuti, “Ine sono nkchuzomera ichi. Ichi chamara. Ndipo kufumira dazi ili na kunthazi, ine ndichitengeso yayi ichi?” Imwe mukuponoskeka kwizira mu Ndopa za Yesu Khristu. Amen. Amen. Marumbo gharute kwa Chiuta.

Kasi walipo munyakeso wakukhumba kuti wafike, wajoyine gulu ili?

³⁰¹ Kasi walimo munyake murwari mu nyumba iyi, wakukhumba kuti wayimirire kuti warombereke pa nyengo iyi? Yimirira.

³⁰² Ine nkchukumba waliyose wa imwe muno, usange iwe ntha ndiwe—usange iwe ntha ndiwe membara wa mpingo unyake uweme wa Ivangeli lose, ruta ku umoza, umoza uwu usange iwe ungachita, usange iwe ukukhala kufupi kuno. Ukakumane na mliska ndipo ukabapatizike. Ndipo nthaura usange iwe undapokere Mzimu Mutuŵa, romba Chiuta kuti wakupi Mzimu Mutuŵa ndipo wakuzuzge iwe, wakupange iwe membara wa Mkwatibwi.

³⁰³ Laŵiskani kudera kula, wabale, pa wanthu warwari. Devulu waŵasungilirenge yayi wanthu wara. Iyi ndi nyengo yakumasurika. Aleluya! Mukugomezga yayi icho?

Tiyeni tisindamiske mitu yithu kuti tirombe.

³⁰⁴ Ndipo waliyose wa mwaŵanthu imwe kuwaro uko, uyo wali na urwari, imwe mwaŵeneimwe mwayimirira, wíkani mawoko ghinu pa yumoza na munyake. Yesu Khristu wakati, “Vimanyikwiro ivi viwarondezgenge weneawo wakugomezga. Usange iwo waŵika mawoko pa warwari, iwo wachirenge.” Wíkani mawoko ghinu pa yumoza na munyake. Sono, kujirombera wekha yayi. Iwe urombere munthu uyo iwe waŵikapo mawoko ghako, chifukwa iwo wakukurombera iwe.


Tiyeni tirombe pamoza sono ngati Mpingo wa Chikhristu.

³⁰⁵ Fumu Yesu, ise ndise wakuwonga chifukwa cha kutonda usiku uwu, mauzima kwizanga kwa Imwe. Sono, devulu wanyekozga zinyake za mberere Zinu, na urwari. Ise tikwiza kuŵapokeska iwo wawereko. Ndipo ngati Mpingo wa Chiuta wamoyo, ise tikumuchenya devulu, ndipo tikuti, “Wamasure wanthu warwari aŵa, Satana. Ise tikukulangura iwe mu Zina la Yesu Khristu, mwakuti iwo wangamanya kuchizgika.” Baibolo likati, “Vimanyikwiro ivi viwarondezgenge weneawo

ŵakugomezga. Usange iwo ŵaŵika mawoko pa ŵarwari, iwo ŵachirenge.” Ilo ndi phangano la Chiuta, ndipo ise tikumanya kuti uwu ndi unenesko. Iwo ŵakuchizgika na vitimbo vya Fumu Yesu Khristu.

³⁰⁶ Sono, usange imwe mukugomezga ichi, kwezgani muchanya mawoko ghinu ndipo murumbeni Iyo. Amen.

³⁰⁷ Viri makora, mliska, chose ntchako. Chiuta wakutumbike iwe, m’bale. Ntchiweme chomene kuŵa na iwe usiku uwu. Chiuta waŵe nawe.

Chiuta wamutumbikeni imwe, ŵabale kuno. 

62-0121E Ukwati Wa Mwanamberere
Fellowship Tabernacle
Phoenix, Arizona U.S.A.

CHITUMBUKA

©2024 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili nthu lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.

www.branham.org